


MULIMU UITIBAHAZA

ILİYENA KA MIKWA YA HAE

 Ne ni bile ya komokile fela ka kubona mulikana ka, Joseph Boze, kwani, mi Na sikuluha ni kunga nako nyana ya ku mu swala mwa lizoho.

² Halu apuleñi cwale mwa Linzwi la Mulimu, mwa Maheberu, kauhanyo ya 1. Ni bata kubala, siemba nyana, ya 1, ya 2, ni timana ya ³, kamba kuba ni tuto ya busihu boo.

Mulimu, mwa linako za kale ni ka mikwa ye miñata na bulezi mwa linako za kale ni bo ndata luna ba kale ka baplofita,

Cwale mwa linako ze u bulezi ni luna ka Mwana hae, yo a beile kuyola sanda sa lika kamukana, yo hape na ezize ka yena ze bupilwe za lifasi;

Ki yena yeli ponahalo ya kanya ya hae, ni siswaniso sa se a li sona, u lwala lika kamukana ka linzwi la mata a hae, amano feza . . . a yo ina ku la bulyo la Yamata kwa halimu;

³ Halu inamiseni litoho zaluna kwa tapelo. Mi cwale fa pila Kubateni kwa Hae kwa Bumulimu, haiba muna ni kupo kaufela ye mu tabela ku zibahaza ku Yena, mu nanule fela lizoho la mina, mi yeo kona kupo ya mina, kuli Mulimu a i pete . . .

⁴ Ndata luna ya kwa Lihalimu, lu taha cwale ku pahama kwa lubona lwa Hao, ka tumelo ka Libizo la Jesu Kreste, Mwana Hao. Mi lu filwe sepiso ye, kuli, “Haiba lu kupa sika kaufela ka Libizo la Hae, si ka fiwa.” Mi Wena u ziba litakazo za luna ni ze lu tokwile, mi Wena u sepisize kuli U ka lufa lika kamukana ze lu tokwa. Kacwalo, Ndate, lu ka lapela sina Mo lu lutezi kuli, “Kutahe Mubuso wa Hao. Tato ya Hao i ezwe mwa lifasi, sina mo i ezezwa mwa Lihalimu.” Kuli kupo ya luna, busihu boo, ibe kuya ka tato ya Hao ku i fa, ni ku lufa ona matohonolo aa. Toza Linzwi, Mulena, ni ba buleli kaufela ni bateelezi, mi cwale Moya o Kenile utahe mi ube muezzi wa Linzwi, busihu boo, mwahala luna. Kakuli lwa li kupa ka Libizo la Hae. Amen.

Ha muine.

⁵ Kamuso kakusasana, Na sepa, ki mukushuko wa Baana ba Pisinisi Yetezi ya Evangeli. Hañata, ko bana ni siemba, Ni na ni litohonolo la kubulela kwa mukushuko wa bona. Kwa nako ye, kani kona fela katengo, ili mane ha ki katengo, kono, sikwata fela seo Ni—Ni fumaneha ku sona, ki sa Baana ba Pisinisi ya Sikreste. Mi cwale Ni bulela ka bona, ni kwa manaha a kwa buse.

6 Cwale, busihu boo, lu sepa kuli ku kopana hakuna kuba kwa mbango. Ni tile ku mina, ni katezi, ni mumizo o kubuhile, ni amuhezi liswafu nyana, kuzwa kwa . . .

7 Ni zwa kwa Tucson ko kunde hahulu mane ku komile, mi Ni tile kwanu ki ko kunde mi ku kolobile, konakuli kuna ni shutano nyana. Haiba mina kaufela ne mu ka nga mezi kaufela kwanu, kambe ne mu ka alumela ku luna, ne lu ka itumela. Kono hamukoni kueza cwalo, faa luli.

8 Kono Ni mi bulelela nto iliñwi, kuna ni nguli fani. Kamukana lika zaluna—zaluna—zaluna mwa Arizona, likota zaluna, litezi fela bulimbwe. Sika kaufela sina ni bulimbwe. Kakuli ku omile. Cwale kambe ona kota yeswana ye mela kwanu yani, ne ikaba ya matali amande. Mwabona, haina mezi, kona ha liba ni bulimbwe.

9 Mi ni keleke haiba ye sina Mezi a Bupilo, iba ye omile mi ye kakatela bulimbwe, ni yona, ku kakatela ni ku nataka mwa lika kaufela. Kono cwale ko ku buba mezi a Bupilo, ku ka kwalula litali ni ku lieza le li bunolonolo, ku ishuwa ni munati, kukena ni ku fumaneha ku Mulimu. Kacwalo Mulena Mulimu a lu selaele, busihu boo, kuli lusike lwa ba baba kakatela ni bulimbwe; kono lube matali amande kuli batu baba keluhile ba kone kuina mwatasa kota ya muluti wa luna ni ku fumanela pumulo kwa mioyo ya bona.

10 Cwale Ni bata kunga palo, busihu boo, haiba Mulena a lata, mi Ni hoha maikulofoni yenyinyani ye fa kaufi luli mo Ni konela, bakeñisa kutokwa linzwi hande. Ni bata kuli, kuzwa mwa palo ya Maheberu 1:1, Ni bata kunga tuto fateni ya kuli: *Mulimu Uitibahaza Iliyena Ka Mikwa Ya Hae*. Mwendu Ni kutele seo hape, kakuli Ni ziba kuli mihala ye haiyo hande kwanu. Mulimu uitibahaza Iliyena ka mikwa ya Hae.

11 Cwale, buñata bwa sika kaufela si zibahala ka mikwa ya sona. Mi Ni nani Mañolo nyana fa ao Ni tabela . . . mi ni ze ñozwi, zeo Ni tabela ku swanisisa ku zona. Cwale, mukwa wa sika kaufela u zibahala ka mo si inezi.

12 Cwale, sina mwa libupiwa kamukana, lipalisa za zibahala, linako zeñata, ka mikwa ya zona. Haiba li ba fakaufi hamoho, za mufuta ulimuñwi ku omuñwi, mukwa wa palisa yeo uka zibahaza mufuta wa palisa yateni. Mi haili mwahala bupilo bwa lifolofolo, linako zeñata . . .

13 Ni—Ni muzumi. Mi muna ni kuziba mikwa ya folofolo ye mu zuma, kamba fokuñwi mwakona ku pumiwa kaniti. Ka mutala, inge Ngu ya mwa Macwe ya kwa British Columbia. Ne ni li fela mwatasa Yukon mwa litabula le lifelile le, mizwale yemiñwi cwalo kwanu ne bali ni na, mi ne lu zuma.

14 Cwale haiba ha mu zibi shutano, ha mu latelela mitala ya ngu kamba puti, hamukoni ku ziba shutano konji haiba mu lizumi ze bukwala. Kakuli, li panganga tu nzila to tu swana; za

lyanganisanga ha li mata. Mi cwale ha mu ka bona yeñwi inge iyemi fahule nyana, inge i patile toho ya yona, kiñi, muka—muka palelwa kuziba shutano. Li bata ku likana kwa siyemo; kukala kwa mulaho, ki ze sweu, mane fela inge puti. Ne ku ka ba tata hahulu ku li kauhanya. Kono manaka a yona kona a ka toloka mukwa wa yona, ka manaka ani. Ngu ina ni manaka a kopami, mi puti ina ni manaka a shengile a colomokile. Mi nto yeñwi, puti haikoni kuya ku pahama hahulu fahule, ku yo fula.

¹⁵ Mi cwale kuna ni puli, ha i zamaya, hape, kuna ni mukwa omuñwi mwa puli, ni mwa ngu, o mulukela kuziba shutano mwahala zona, hane mu kaba fahalimu fani, kakuli sibeli sa zona lipila fahalimu a malundu. Mu lukela kuziba shutano. Kono haiba mukona kulemuha, haili—haili puli kwateni ya icunculanga fa ku zamaya; kanti, haili ngu kwateni yona ya tomanga mautu a yona hande sina *cwana*, ha i zamaya. Mukwa wa mo i pangelang'i tunzila twa yona. Mu ka ziba folofolo ya mina ka mikwa ye bonahazwa ki yona, ni mo i ezeza, ni ze i ca, ni lika kaufela. I itibahaza ili yona ka mikwa ya yona. Mi mu sa tula fela ulimuñwi, ni ku bona se si ezahala, mwakona ku ziba nzila ye liile ka yona. Mwakona ku lemuha ka mukwa wani mwa lifolofolo ze shutana.

¹⁶ Mi kana mukile mwa lemuha, Hani zibi haiba muna ni zona kwanu kamba nee, ze ñanda talukeke mwa mubala; kihande, za mibala bala kona libizo leli zibahala ka zona, ni nyunywani ya mufuta wa liñwalala. Nyunywani yateni yeo ibata ku likana ni yani ye ñanda talukeke. Mi ha mu ka bona zepeli zeo ha li fufa, sibeli sa zona libata kuba za nyunywani ilimu. Haiba ha mu boni mubala, kono mu li talime fela, mwakona ku lemuha kuli ki ifi ya mubala wa bu ñanda talukeke. Yani ye swana ni liñwalala yona ya fufanga, hañata kamba linako zeñwi, mwahala limuka. Kono haili yani ye ñanda talukeke, ya lizanga mafufa a yona; haisweli ku fufisa mafufa a yona, ya shetumuka ni ku pahama hape, fafasi ni mwa halimu hape. Mwabona, i ipeyanga mwahala zeñwi kuli ilyanganise, sina *cwalo*, mi mukona kuziba cwalo kona mukwa wa nyunywani ye ñanda talukeke yeo, kona mo i fufelanga.

¹⁷ Haiba mu lemuha li—li likwali ha li taha cwalo, mo li lendelanga. Mi kipeto mu tokomele haiba muinzi mwa lisa, ko ku lukela ku fumaneha makwali, mi ni—mi ni kunonga. Mina bazumi mwa ziba cwalo. Linyunywani ze bizwa Wilson ni zani ze swana fela ni zona, li itibahazanga ka mukwa yelanga kwa pata ni kukuta mwa mulaho. Za itibahazanga ka mukwa o l fufa ka ona, kuli ki nyunywani ya mufuta wa kuli. Kabakaleo, haiba kona mu sa li utwa fela, ne mu ka ziba fela kuli neli ya kuli, mo ifufelanga haiya, seo ili sona, ki ka mufufelo wa yona.

¹⁸ Kuswana sina muuna ni musali. Sibeli sa bona kaufela ki batu, kono musali una ni mikwa ye shutana ku muuna. Ne ni sweli kubala kwanu, linako zeñwi kwa mulaho, ka za Solomoni ni mulena wa musali. Nali kuba ni kutaze fateni Liñusa nyana

la ka fateni, ku mina, ka za mulena wa musali wa kwa Mboela, ya na tilo bona Solomoni, ni ku to bona mpo ya temuho yani. Ne ni sweli kubala ka zona, kwanu ha ki kale hahulu, mi se ba bulela, kuli, “Iliñwi ya malipa ana tisizwe ku Solomoni, neli, yena mulena wa musali yo yana isize musali, kamba basali, nitaluse, ni ku ba tinisa inge baana.”

¹⁹ Cwale, zani ne li sa zibahali mwa mazazi ani, kono haili ka cwale batili za zamaelela hande, kacenu. Mi—mi mwa ziba kuli ao ki mafosisa. Bibebe ibulezi kuli musali ha lukeli kueza cwalo. “Ki maswabisa kuli musali atine sapalo se si lukela kuba sa muuna.” Mi ni Mulimu ya sa cinci ki yena ya bulezi cwalo, kacwalo yeo ki niti.

²⁰ Kacwalo lu fumana kuli Solomoni, na si ka ba bona, na ba lumelelize ku zamaya kamba kueza nto yeñwi, mi kapili abulela kuli, “Ki basali.” Mwabona, na konile kuziba ka mikwa ya musali yani, ka mwa na ikungela, kuli neli musali mi isi muuna.

²¹ Mi mane sika kaufela ka nzila ye cwalo, ki ka mikwa ya zona. Inge fela buñata bwa batu ha ba tiyezi kwa lizoho la nzohoto, ni kwa lizoho la silyo. Kona mikwa ya mo ba i kungela. Mwakona kuziba kuli mutu yo u tiyezi kwa lizoho la silyo kamba la nzohoto, ka mwa ikungela ili yena, mwa latela ku swalela lika ka lizoho lani la nzohoto kamba la silyo.

Mi muhupule, Jesu nana ni nto ye cwalo, kuli . . .

²² Mazoho amabeli aswana fela cwalo . . . Ki nto ye swana. Ana ni milaini yeswana kwa minwana yemituna, mubonahalelo wa minwana, minwana ye ketalizoho; kaniti, wa kusupisa, ni zeñwi cwalo. Kuswana fela sina lizoho la silyo ni la nzohoto mo lobezi ni minwana ye swana, ka swanelo, butuna bo bu likanelela bwa mazoho, ona cwalo fela. Mi shutano fela ye liteni fani, ku ona, ki kuli leliñwi ki la nzohoto mi leliñwi ki la silyo. Yeo kona fela shutano ye mukona kubona. Leliñwi ki la nzohoto, leliñwi ki la silyo.

²³ Kacwalo he ku zeo, Jesu naize . . . Na kona kubeya sesiñwi mwateni fa. Jesu naize, mwa Mateu 24, kuli, “Mikwa ya Moya ika bonahala kuswana mwa mazazi a maungulo, bukaufi hahulu kuli mane u ka puma ni bona ba baketilwe haiba ki nto ye konahala.” Mwabona, ikaba fela . . .

²⁴ Mu nge fela lizoho la mina ni ku li nanula mwa halimu. Mwabona, hamusa lemuhi, leliñwi la ona li bonahala inge leliñwi, mwa mikwa kaufela, kono leliñwi la ona ki la nzohoto mi leliñwi ki la silyo.

²⁵ Cwalo kona mo iinezi mioya mwa lizazi la mafelelezo. I bonahala kubata kuswana, kono ina ni mikwa ye i paka. Omuñwi ki o munde, mi omuñwi ki o maswe, mi wakona ku zibahala ka mikwa ya ona.

26 Moya wa Mulimu wakona ku zibahala ka mikwa ya Ona. Mwabona? Moya wa Mulimu, ni moya wa keleke. Kuna ni moya wa keleke, mi ni Moya wa Mulimu o cwale ha u swani ni moya wa keleke, ni hanyinyani.

Kuna ni moya wa kopano.

27 Kuna ni moya wa naha. Kuna ni moya wa mwa naha. Naha kaufela, ha Ni ya kulo, hamuka kena mwateni, muka fumana moya o shutana. Ne ni ile kwa Finland, ki batu babande, kono ne kuna ni moya wa si Finnish. Ha ni ya kwa Germany, kuna ni moya wa si German.

28 Kwanu ha ki kale hahulu, Ne ni zamaya ni musala ka, hane lu sa pila kwa Indiana, lilimo zepeli kwa mulaho, neli kwa musika wa lico ni lino. Ne ni tile fela kwa ndu. Ne lu ya kwa kunga lico cwalo. Mi mwa musipili wa ka hane ni ya kwani, se lu . . . Ne li mwa nako ya mbumbi, mukasana mwa palelwa ku lumela, kono ne lu fumani kalobe ya na apezi ndelezi. Mi neli nto yenca luli, Na . . . Ne si ni komokisize. Na—Na li, “Talima fani, sani si bonahala bunca, musali yani u tinile ndelezi.” Babañwi ne ba tinile liapalo ze ne si ka . . . ha ki swanelo ku musali. Mi—mi ki hali . . . Se nili, “Kihande, wani ki moya fela wa mwa America, mwabona, ki moya wa mwa America.”

29 Cwale, moya wa America, ki . . . i lukela kuba naha ya Bukreste, kono moya wa naha ye ha ki wa Bukreste. Ya kona ku bizwa kuli ki naha ya Bukreste, kono ki limaili ze lule kuzwa ku lona, mwa mukwa. Kacwalo, musali yo, Se nili . . .

Mi ali, “Kihande, kana ha lu ma American nji?”

30 Ali, Se nili, “Batili. Lu pila mo. Ye ki naha ya luna. Lu—lu—lu pila ku yona. Lwa i lata. Ki naha yende kufita linaha za mwa lifasi. Kono, niteni, ha lu ma American.” Se nili, “Lu pepilwe kuzwa kwa Lihalimu. Moya o Kenile no shetumukile, mi lu ba Mubuso. Ha ki wa lifasi le.” Se nili, “Ki kabakaleo kuli likezeli za luna ha ba tinanga lindelesi, ni ku uta milili yemitelele, ha ba ipentangi mipende. Mwabona, mikwa ya bona i ba paka kuba ‘ba bakenile ku Mulena,’ bazwa kwa Lihalimu.”

31 Kabakaleo, lu bata Mubuso. Lu bata Mulena ya ka taha mi ato ngela sicaba sa Hae mwa Mubuso wa Hae. Mi ba zibahala ka mikwa ya—ya bona, sifumu sa bona ha ki sa lifasi le kamba sa naha ye. Ki sa kwa lihalimu, mwa Kanya. Kabakaleo, bona, “Ba bata Munzi o Muyahi ni Mupangi wa Ona ki Mulimu.” Ba zibahala hande.

32 Kambe Ne ni na ni linzwi la ku kutaza ku mina busihu boo. Kono Ni—Ni tokwile. Cwale, ku zibahala ka mikwa ya sika.

33 Lu fumana mutala omunde fa mwa nako ya Isilaele, hane ba taha mwa naha ya sepiso. Mi Mulimu na ba bizize ku ya ka sepiso ya Hae. A bulelela Abrahamama kuli, Na ka . . . peu ya hae ne i ka ba mwa naha ya buenyi ye, ka myaha ye mianda yeminde, mi

kasamulaho Na ka ba lamulela ka lizoho leli mata, mi ne ba ka ya kwa naha, kasamulaho, ye ne sepisizwe, yene buba mabisi ni linonsi. Mi cwale nako ya sepiso ha ne i sutelela bukaufi, kwa taha a—a Faro yana si ka ziba bulumiwa bwa Josefa bo butuna bo na nani mwahala bona.

³⁴ Mi, se, Mulimu atisa mupolofita ya bizwa Mushe. Mi muuna wateni na lutilwe mwa butali kaufela bwa Maegepita. Hakuna ku kakanya kono nali yomutuna, ya talifile, muuna wa zibo, kakuli na kona kuluta Maegepita zibo. Na bonahala kuba ya swanela hande—ya swanela hande mwa ku sebeza tukuluho.

³⁵ Kono, mwa bona, se lu biza tukuluho, ni sa biza Mulimu kona tukuluho, kuna ni shutano.

³⁶ Cwale mubone muuna yo ni litumelo za hae kaufela. Na zibile kuli na pepezwi ku liulula bana ba Isilaele. Ibo, ni tuto ya hae kaufela, kona fela za na ziba, ni kuziba kuli na bizizwe ki Mulimu kuli aeze musebezi, nana ni kaufela za hae. . . Nana ni pampili ya hae ya Bachelor ya Sikwala, ni Ph.D., ya hae ni LL. D., ni zeñwi cwalo. Mi ki ha zwela kwande ku yo lamulela Isilaele, mi nali mupalelwi wa mafelelezo.

³⁷ Cwale mulemuhe, ne ku bonahala cwalo, inge kuli yena na hatile liutu fa lubona lwa Egepita, kuli a toba Faro, kuli na ka liulula bana ba Isilaele ha na ka ba Faro, kakuli na li ya tatama kwa kuba—fa lubona. Kono, mwa bona, sani, ka kueza ka nzila yani, ne ku si ke kwa zibahaza mikwa ya Mulimu ya ku lamuhela sicaba sa Hae ka yona.

³⁸ Na bulezi kuli Na ka ba lamulela. Na ka ba “lamulela ka lizoho le li mata,” isiñi Mushe ni mpi ye mata, kono Mulimu ka lizoho le li mata.

³⁹ Lu fumana kuli mupolofita yo a mata kusabela kwahule mi aba mwa lihalaupa ka myaha ye mashumi amane. Ne ku tandile Faro myaha ye mashumi amane fa ku kenya tuto ku yena, mi kwa tanda Mulimu myaha ye mashumi amane kuli a li zuse ku yena. Kacwalo lu fumana cwana, zazi leliñwi, kuli yena, kwa buse bwa lihalaupa, akopana ni Mulena Mulimu mwa sicacani se situka, mwa mufuta wa Siita sa Mulilo se ne si lulile mwa sicacani. Mi a kupiwa kuli atubule likatulo za hae, kakuli, mubu fa na yemi neli o kenile. Cwale mutalime muuna yomunde yo, mwana zwezi, muuna ya itutile, yana li cwalo, mutalime cincheho ya mikwa ya hae kasamulaho amano kata na Mulimu. Na ezize ze ipitezi. . .

⁴⁰ Fokuñwi Mulimu u ezanga lika ka nzila ye bunolo ona cwalo, mane mwendi ikona kuba nzila ye bukuba, kwa munahano wa ngana ya butu. Mulemuhe mutu ya nali mupalelwi ya feleleza; ni limpi za Maegepita kaufela za li ku mu potoloha kuli aeze tato ya Mulimu, ni tuto ya hae kaufela, ka myaha ye mashumi amane ya kupepwa, mwa bulena bwa hae. Ki yo fa, wa myaha ye mashumi a ketalizoho ka amalalu a kupepwa, kakusasana le litatama, ni musala hae inza inzi fa mukokoto wa mule, ni

mwanana fa noka ya hae, ni kota mwa lizoho la hae, inza ya kwa Egepita, ku yo hapa. Mu bulela ka za pono ye bukuba! Kono yani ne i bonahalisa mikwa ya Mulimu, kakuli Na nani mutu yana ka lumela Linzwi la Hae. Ku felile. Taba yateni neli yani, munahane fela kana mutu alimuñwi wakona ku yo hapa Egepita kaufela, ki kai, kone i palezwi mpi? Kono neli sikamañi? Mikwa ya hae, makilikicani a hae na cincizwe. Na ya ka Libizo la Mulena, “KI NA YA LI NA.” Taba yateni neli kuli, na i lo hapa. Na komile, kakuli na ile mwa Mata a Mulena.

⁴¹ Mwa musipili wa hae, inza isa Isilaele mwa naha ya sepiso, ato katanyeza muzwale wa hae, muzwale wa hae wa mwa kopano, Moabi. Cwale, Moabi, kusina manzwi asili, neli mahedeni. Bani ne li bana ba Lota. Alimuñwi wa bana ba hae ki yena yana—yana pepile Moabi.

⁴² Cwale, kwa halimu kwani, Ni bata kuli mu lemuhe linaha zepeli ze, mwa kuswana ni ku shutana kwa zona. Ki ye fa Egepita, ka bu nyinyani, ye ne hasani, kusina naha kwa kuya teni, basina baokameli kamba mulena, kamba kutokwa nihaiba sina, kamba nihaiba muika ufi kaufela mwahala bona, neli fela sicaba sene sili mwa musipili wa sona kuya kwa naha ya sepiso. Mi ne bana ni kupazula mwa naha ya ma Moabi. Neli mwa sibaka sa sepiso.

⁴³ Mi ma Moabi, hape, ne ba lumela ku Jehova, mi ne ba na ni mupolofita. Mi Isilaele nana ni mupolofita. Sibeli sa bona neba na ni bapolofita.

⁴⁴ Mi cwale a mulemuhe, neba fitile fa sibaka sa kuli mupolofita wa naha ye ongaongilwe na taha ku to kuta naha ye, kakuli neli fela bayambaeli, kusina kuba ni sibaka sa kuina. Kacwalo ba shetumukela teñi.

Mi mutalime bapolofita bababeli bani: Ha litaha ku za kubulela ka swanelo, sibeli sa bona ne ba lukile hande. Kakuli, mulemuhe, Balami, bishopu, na mu bulelezi kuli, “Cwale, mu ni yahele tutala to tu sebene.”

⁴⁵ Sebene ki nombolo ya Mulimu ye kwanelezi, ku yemela Linako za Likeleke Zesupa, mazazi a sebene a pupo, ni zeñwi cwalo. Cwale mulemuhe, sebene, Mulimu u talelela mwa lika ze sebene.

⁴⁶ “Tutala to tu sebene, mi fa katala ni katala ne ku beilwe teñi—teñi poho.” Cwale kani kona katala kaka swana kone bana ni kwani mwa sikwata sa Isilaele. Ki bani kwani kwa Isilaele, ni katala kaka swana ko ba nani kwanu; ni sitabelo se si swana, poho ni poho; mupolofita ni mupolofita. Linaha zepeli, ka ku swanisisa.

⁴⁷ Mutala o petehile hande wa lizazi le lupila ku lona, kambe luna ni nako ya kukena ku zona. Mulemuhe, Mulimu u eza se mwa nguli, kuli lu lemuhe, ku zamaelela kafa ni kafa.

48 Cwale, hape, Balami na tokwile totolo fa katala kaufela. Sani ne si ambola ka tumelo ya hae ka za kutaha kwa Mesia. Haili totolo, yona ngu ya muuna, sani kona sitabelo se si swana se ne ba nani kwani mwa Isilaele; kwani mwa sikwata sa Isilaele, ona kwani ka . . . mwahala Moabi. Kuya . . . Ka swanelo, sibeli sa bona ne ba lukile, kono, mulemuhe, ka swanelo mwa tuto.

49 Kono mupolofita alimuñwi mwahala sikwata sa Isilaele nana ni mikwa ya Mulimu ni Linzwi la Mulimu. Na pilile ni sepiso ya Mulimu mwa lusika lwani, kakuli nali mwa musebezi wa kuya kwa naha ya sepiso. Mwabona?

50 Cwale, kuya ka siemba sa swanelo, Balami, Balaki ne ba ka zibahala fela sina Mushe mwa na bezi.

51 Kono, mwa bona, Mushe, kakuba mupolofita ya lukile wa Mulimu, isiñi fela kuli nana ni liemba za swanelo, kono nana ni zibahazo ya Mulimu. Mwabona, nali mwa kalulo ya musebezi, ona cwalo luli ze ne sepeselizwe lusika lwani; isiñi mwa lusika lwa Nuwe, kono kwa lusika lwani ka nako yani. “Ni ka miisa kwa naha ye buba mabisi ni linonsi.” Ne bali mwa musipili wa bona, mi Isilaele na zibahala ka mupolofita wa bona, Mushe, ni ka Liñusa la lusika lwani. Mikwa ya Mulimu ne i bonahalile ku Mushe. Siita sa Mulilo ne si mu latelela. Mi hape nana ni swalelo ya mali mwa kezo; isiñi kubulela fela ka yona, kono nana ni yona mwa kezo. Isiñi se si ka toba teñi; se si liteni onafa cwale!

52 Mulemuhe, nana ni noha ya sipi yene pahekilwe kwa halimu bakeñisa makulano ni matuku a sicaba, kabakaleo Mushe na sweli ku bonahaza kezo ya foliso ya Bumulimu. Nana ni swalelo ya mali, noha ya sipi, ne i bonisa kuli Mulimu nali mwahala sikwata, mi sicaba ne si talimela kwa noha yani kipeto ba fola.

53 Mi hape nana ni Licwe le li natilwe lene li mu latelela. Mi sani ne si zibahaza Mulimu, ili kubeya Mezi a Bupilo mwahala bona, tabo ni puluso, kuli basike ba shwa kono babe ni Bupilo bo busa feli. Neli mufuta wa . . . Ona Licwe le li natilwe lani mwa lihalaupa neli mufuta wa Kreste ya natiwa.

54 Mi, ne ba sweli ku zamaya mwa kalulo ya sepiso. Yani neli zibahazo yeñwi, ili ku bonisa mikwa ya Mulimu. Hakuna taba kamba yomuñwi yo neli ya nani swanelo cwani ni Linzwi; nana ni ze swanehela, hamoho cwalo ni zibahazo, mi ni mikwa ya Mulimu neili mwahala bona. Mulimu na itibahalize Iliyena. Bapolofita bababeli, sibeli sa bona bapolofita bani, mi sibeli sa bona neli baba swanela; kono Mulimu a zibahaza mikwa ya Hae ku Mushe, kakuli nana ni mikwa ya Mulimu ku yena.

55 Cwale, hape, mikwa ya Mulimu kamita ki ye ipitezi, kakuli ni Yena u ipitezi. Mulimu u ipitezi. Ki ya si ka twaelelwa, kamita, kuya ka minahano ya lizazi la kacenu. Mwa ziba cwalo. Mulimu kamita ubile a filikana ka mikwa ye filikanya, kwa—kwa likwata za bulapeli za mwa lusika kaufela lo lukile lwa fita.

56 Mi kwali kuba kube nihaiba mutu kamba sikwata sa batu se si kile sa ikongakonga sona hamoho fa liñusa kono kaufela baba cwalo ba shwile ni kuya ku yonga, mi ha ba si ka zuha hape. Hakuna nihaiba taba ya kale ka zona. Ba Lutheran, ba Presbyterian, ba Methodist, ba Baptist, ba Pentekota, ni babañwi cwalo, bali kuba ba zuhe hape, ba sa kalisa fela ku Li ongaonga.

Mulimu ubelekanga ka mutu alimumu.

57 Mulemuhe, Yena ki ya ipitezi hahulu kwa mukwa wa munahano. Mwabona, lu kenanga mwa mukwa omuñwi, mi luna ni ku Li lumela ka nzila *ye*. Mi kipeto Mulimu u taha ka Linzwi la Hae lona la Na sepisize, ni ku itibahaza Iliyena mwa Linzwi lani. Sikwata *se* ha si koni kukena ku Lona, kakuli ha si lumeli ku Lona. Mwabona, si i kauhanyize kuzwa ku Lona.

58 Sina Josefa, nali mwana Davida, mi neli muuna yomunde, Josefa yena muuna hae Maria. Neli muuna yomunde, mi ha lu kakanyi kono na balanga Bibele, ona matapa, ka tundamo, kakuli . . . mi na libelela Mesia kuli atahe, mi na lukela kuziba sa na bulezi Mañolo kuli ne si ka ezahala. Isaya naize, “Mwalyanjo u ka itwala.”

59 Kihande, cwale, na zamaya ni musizana yo, Maria, mwendi neli wa myaha ye lishumi ka ye ketalizoho ka zetalu ya kupepwa, mi yena nali yomuhulu nyana. Mi cwale hane ba belezani kuli ba ka nyalana, ato bonahala kuli na sa li me. Cwale sani ne sili tata nyana ku Josefa kuli a nahane hande ka sona. Hakuna ku kakanya kono Maria na mu bulelezi ka za poto ya Gabriele. Kono lu lemaha kuli, mukwa o no mu zamaisa ka ona, na kakanyize.

60 Cwale na fumanwi kuba me ba si ka ba kale ni sinawenga. Mi, mwa Bibele, koto ya sani neli lifu, ka ku pobaulwa ka macwe. Musali ya si ka fita mwa sinawenga afumanehe kuli u italehile kuba me, ya cwalo na pobaulwanga ka macwe. Ne kusina lihule mwa Isilaele. Na lelekelwa kwande. Kacwalo lu fumana kuli, mwa Deuteronoma, ya lu bulelela cwalo.

61 Cwale lu fumana kuli, Maria, na bonahala inge kuli na sweli ku itusisa Josefa kuba tebe ya kezo ya na ezize. Kakuli, haiba na fumanwi kale kuli u italehile ku ba me ba si ka nyalana kale, kona kuli na lukela ku pobaulwa ka macwe, mi na lukela kuba ni yomuñwi cwale ya na ka mu yemela kuba tebe ya hae. Mi sani ne si bonahalile, kuba musebezi omutuna, inge kulo kona za na lika kueza.

62 Kono Josefa atalima meto a hae amande amatuna, mi sa bulela kuli, “Josefa, Gabriele ubulezi kuna kuli, ‘Moya o Kenile uka ku u kama, mi yona Nto yo ka itwala ku wena—ku wena ki ya Moya o Kenile. Ki Mulimu. Kona mo I ka bizezwa, kuli “Mwana Mulimu.”’” Mi, Josefa, yena—yena—yena na bata ku lumela cwalo, kono neli nto ye ne si ya kamita ku zibahala cwalo. Sani ne si si ka ezahala kale fateni.

63 Mi cwalo kona mo kuinezi fela kacenu. Kambe ne lu kali. . . Kambe Ne ni kaba ni mukwa wa kunga sicaba kuli si bone buipiteli bwa sika kaufela, haiba si zibahaliswa ka Linzwi, kona kuli mikwa ya sona ne i ka paka seo sili sona. Ki Mulimu mwa kezo.

64 Josefa na lukela kuziba taba ye. Na lukela kuziba kuli, “Mwalyanjo u ka itwala.” Kono na sepahalile ka zona. Na sa lati ku mu leleka, kwa mukunda, kono na—na sweli ku nahana kueza cwalo.

65 Mi cwale Lingeloi la Mulena ki ha li iponahaza ku yena mwa tolo. Kana mwa ziba ze Ne li bonahalezi mwa tolo? Ne kusina bapolofita ba mazazi ani. Litolo za bona ne li ze bunolo hahulu, ne li sa tokwi toloko ye cwani kaufela. Lali, “Josefa, wena mwana Davida, si sabi kuikungela Maria musala hao, kakuli sa itwezi ki sa Moya o Kenile.” Mwabona, cwale, ani neli mafelelezo. Mwabona, Na mu tezi mwa tolo, mukwa wa bubeli. Kono, mwa bona, ne kusina mupolofita kwani yana ka lemuha Linzwi lani, kuli, “Yo ki yena mwalyanjo ya ka itwala.” Mwabona? Konakuli, kabakaleo, A to bonahala ku yena mwa tolo, kakuli na sepahala ni kuluka mi neli muuna yomunde.

66 Mi Ni lumela kuli Mulimu ukona kutaha ku mutu kaufela yomunde, ka mukwa o muñwi, ni ku zibahaza likezo za Hae ku yena muuna yomunde yani, wa lusika lwatani, haiba muuna yoo ki ya bizizwe ki Mulimu mwa lusika loo.

67 Cwale, kono neli la buipiteli hahulu, ne ba sa koni fela ku li lemuha. Kono, kamita, li iponahazanga kuya ka sepiso ya Linzwi mwa lusika lwa teni, ona buipiteli boo kaufela.

Cwale kuna ni batu baba kona kuya kafa ni kafa, ni kubulela kuli, “Kihande, se si ipitezi, yoo kwatani ki Mulimu. Se si ipitezi.”

68 Kono, mwa bona, sina ni ku zibahala ka Linzwi, mi ni Linzwi ki Mulimu. Mwabona? Mi cwale mikwa ya zibahazo ye i paka yoo ali yena, kakuli Mulimu naize, “Se si ka ezahala,” mi kipeto sa ezahala. Mwabona? Mikwa ya lona ki Linzwi la Mulimu le li iponahaza ka mukwa o sweli ku ezahala.

69 Na bulezi kuli mwa mazazi a maungulo U ka sulula kwa Moya o Kenile. Na ezize ona cwalo. Mikwa yatani ne i pakile kuli yani neli Mulimu, Linzwi la Hae ne li sepisize. Mwabona, lona la itibahazanga kamita.

70 Cwale, kamita, nako kaufela, la sikulula linzwi, haiba Linzwi li bulezwi ka mafosisa. Kana mukile mwa lemuha? Neli mwa mazazi a Nuwe, kona ze ne sikuluzi lusika lwa sayansi lwani, kuli Mulimu na ka sulula mezi kuzwa mwa lihalimu. Neli Mushe, mwabona, kaufela ha ne ba ilo yaha mwa Egepita, ni zeñwi cwalo, kono Linzwi la Mulimu lina ni ku to itibahaza. Mi ni Niti ya Linzwi i sikulula mafosisa.

71 Mutuhele ni mi buze nto yeñwi. Lwa kona kuya mwa butungi nyana fa. Ha ni lukeli ku kutaza ku luta kamba kufa tuto, kono mutuhele fela ni mi buze nto iliñwi.

72 Jesu nali Linzwi. Lwa ziba cwalo. Bibebe ibulezi kuli nali cwalo. Muñoli Joani, kauhanyo ya 1, “Kwa simuluhu ne kuna ni Linzwi, mi Linzwi nali ku Mulimu, mi Linzwi neli Mulimu. Mi Linzwi la ezwa nama mi ato yaha ku luna.” Yena usali Linzwi. Mi cwale ha Na lemuhā milelo ya bona, ne ba lukela ku ziba kuli lani neli Linzwi, kakuli Linzwi la Mulimu ne li bulezi kuli sani kona sa Na ka eza. Na li Mupolofita.

73 Cwale mulemuhe, lu fumana kuli ha Na pepilwe, mwendi fa myaha ye lishumi ka yemibeli ya kupepwa, Aya kwa mukiti wa tabernakele. Mi ba ya kwani kwa Paseka. Mi, mwa musipili wa bona ha ba kuta, ne ba zamaile musipili wa mazazi a malalu mi ba Mu tonda; kulemuha, ku nahana, nitaluse, ku akaleza kuli mwendi Nali kwande mwahala sicaba sa habo.

74 Lwa kona ku nopa fateni tuto foo. Kona mo kuinezi kacenu! Cwale mina ba Methodist, Baptist, Presbyterian, Lutheran, Katolika, kaufela se muli sona, mwabona, musweli kueza ona nto yeswana yani. Mwa lemuhā bakeñisa kuli Wesley nana ni ancafazo yetuna, Luther nana ni ancafazo yetuna, kamba Pentekota nana ni ancafazo yetuna, mu lemuhā kuli U mwahala sicaba, kanti, fokuñwi mane Ha yo mwateni.

75 Ne ba yo Mu fumana. Ne ba Mu fumani kai? Kone ba Mu siile, kwa Jerusalema. Mi hane ba Mu fumani, ki sikamañi sa Na sweli kueza? Ali mushimani yomunyinyani, wa myaha ye lishumi ka yemibeli ya kupepwa, hakulata na si ka kala kale mane ni sikolo kufita ze ne ba Mu lutile bashemi ba Hae bo mahe; mi fa Nali mwa tempele, inza kanana ni baprisita bani, ka za Linzwi la Mulimu. Mi ba komoka zibo ya Mwana wateni. Kiñi? Na li yena Linzwi. Cwale mulemuhe.

76 Mi cwale ha ki ku mi shwaula mina sicaba sa Katolika baba biza Maria kuli ki mahe Mulimu, kono mutuhele fela ni mi bonise mafosisa nyana fa. Haiba keleke i yahilwe ku Maria, mutalime sene si ezahalile. Cwale ataha mi a bulela kuli, “Oh, Bo ndataho ni Na lu Ku batile, ka mioko.” Mutalime mubulelelo woo, ona fani a nyaza bupaki bwa hae. Musali ali, “Bo ndataho ni Na lu Ku batile, ka mioko.”

77 Mutalime Linzwi lani. Nali yena Linzwi. Mi ali, “Kikuli ha mu zibi kuli Ni swanela kuba kwa musebezi wa Ndate Nji?” Mutalime Linzwi ha li sikulula mafosisa. Ona fani fapila baprisita bani, a isinyeza bupaki bwa hae. Na bulezi kuli na itwezi yena ka Moya o Kenile, kono fa ubulela kuli Josefa ku Yena ki “ndatahe.” Mwabona Linzwi lani ha li swala nto yeo kapili? Nali yena Linzwi. Cwale, mu ziba kuli mushimani wa myaha ye lishumi ka yemibeli ya kupepwa hakoni kueza cwalo. Nali yena Linzwi. Nali yena Linzwi leli bulezwi la lusika lwani, kacwalo

he mikwa yene bonahaza Mulimu neili ku Kreste. Na sikuluzi mafosisa. Mi abulela . . .

Se bali, “Kiñi, luna lu balutiwa ba Mushe.” Mwabona?

⁷⁸ Yena ali, “Kambe mu balutiwa ba Mushe, ne mu ka Ni ziba. Na ñozi ka za Ka. Mushe naize, ‘Mulena Mulimu wa mina uka zusa Mupolofita ya swana sina na.’ Ne mu ka Ni ziba kambe mu zibile Mushe.”

⁷⁹ Mi, mwabona, Linzwi kamita li sikululanga mafosisa a lizazi lateni. Kono sicaba ha si latangi ku li lumela. Ba tundamenanga fela ona, ka mukwa o swana.

⁸⁰ Jesu a sikulula bo Mahe luli. Mi bo Mahe nebali mwa mafosisa, kakuli ne ba bulezi kale kuli yani neli Mwana ya na itwezi ka Moya o Kenile, kono fa hape ufetula bupaki bwa hae ka mukwa usili ni kubulela kuli Josefa ki yena “ndatahe,” kuli neli ndata wa—wa Jesu. Cwale haiba—haiba Josefa . . .

⁸¹ Haiba Nali mwana Josefa, haiba Na tokomela musebezi wa ndata He, Na ka ba mwa sitebule mwa kubetela.

⁸² Kono Na tokomela musebezi wa Ndata He, ona kwani mwa Tempele, inza omanya likopano zani. Mwabona? Na sweli ku tokomela musebezi wa bo Ndata He, Mushimani fela wa myaha ye lishumi ka yemibeli ya kupepwa. “Kana ha muzibi kuli Ni swanela kuba kwa musebezi wa Ndate Nji?”

⁸³ Kana mulemuhile fani Jesu ha na likiwa ki Satani? Mikwa ya Hae fani, fani ha Nali mwa muliko wa Hae, na itibahalize Iliyena kuba Mulimu, kakuli Na pilile ni Linzwi. Mwabona? “Ku ñozwi,” Satani abulela.

Jesu ali, “Ku ñozwi hape,” apila fela ka Linzwi.

⁸⁴ “Mulimu, mwa linako za kale,” lu balile fateni. “Mulimu, mwa linako za kale,” zeo ki linako za ikale, “mikwa yemiñata,” linzila zeñata, “na Itibahalize kwa bapolofita ba Hae ka lipono.” Wani neli mukwa wa mupolofita, fani ha na bulela lika mi li to ezahala. Cwale wani neli mukwa wa ku itibahaza ka ona, kuli Mulimu nali ni yena. Mi sani sa mu fa tukelo ya ku toloka Linzwi la lizazi lani, kakuli, “Linzwi la Mulimu li tahanga kwa bapolofita,” mukwa wa mupolofita, ya Na bulezi kale.

⁸⁵ Bible ibulezi kuli, “Haiba kuna ni alimuñwi, mi sa bulela haiba si to ezahala, konakuli yo cwale mu muutwe; kono, haiba ha si ezahali, musike mwa mu lumela, musike mwa mu saba, kono za Ka . . . haiba—haiba Linzwi la Ka ha li yo ku yena. Kono haiba si to ezahala, konakuli Linzwi la Ka li ku yena.” Yani kona zibahazo ya hae. Wani kona mukwa wa mupolofita.

⁸⁶ Cwale, Mulimu, mwa linako za kale, kona mwa Na boniseza mikwa ya Sakata ya ku zibahala kwa Hae ku mutu, ka kubulela kufitela ku muuna yana bizizwe kuba mupolofita. Cwale, Bible ibulela kuli, “Mulimu, mwa linako za kale, mwa mikwa ye shutana, na bulezi ku bo kuku a luna ka bapolofita.”

87 Hape lu bala, mwa Pitrosi wa Bubeli, kuli Linzwi la Mulimu kaufela ne li ñozwi ka bona. “Baana ba kale, ne ba zamaiswa ka Moya o Kenile, hane ba ñola Bibebe.” Nebali bapolofita. Linzwi ne litile ku bona mi ba Li ñola, ku li ñola, mwatasa susumezo. Pili ne ba li bapolofita baba zibahalile, mi kiha—kiha ba ñola Linzwi ka susumezo, mi neba na ni toloko ka sinulo ya Bumulimu kakuli neli Mulimu ku mutu.

88 Cwale yani kona nzila ya Na i ponahalize Iliyena ka mikwa ya Hae ya ku zibahala ka yona, lipono za bona ne li pakiwa, kuli neli mikwa ya Mulimu ku bona, inza itibahaza Iliyena kwa sicaba.

89 Cwale, yani ki yona nzila fela ya Nali ku Kreste ka yona. Mupolofita neli fela katowati kaka likani. Kreste nali mutalelela wa Mulimu. Mi Mulimu nali ku Kreste, inza kutisana lipilu ni lifasi ku Yena. Mi mikwa ya Hae ne i Mu pakile, sa Nali sona, kuli mane Na ize kuli, “Ha Ni sa ezi misebezi Ya Ndate, konakuli mu si ke mwa lumela. Haiba ha Ni na mikwa Ya Ndate, konakuli mu si ke mwa Ni lumela, mu si ke mwa lumela buipapati bwa Ka. Haiba ha Ni na mikwa Ya Ndate ku Na, konakuli mu si ke mwa lumela, ni hanyinyani.”

90 Cwale, mikwa ya Hae ha cincangi. Mulimu hakoni ku cinca mukwa wa Hae, kamba mane nihaiba kuli—kuli ni—ni ngunyana ikone kucinca mikwa ya yona, kamba nto ifi kaufela haikoni kucinca mikwa ya yona. Kakuli, haibile fela i inzi mwa sibupeho sa yona sa makalelo, sa makalelo. Mi haiba mu cinca sika kaufela, konakuli mu si cincize kuzwa kwa makalelo a sona.

91 Kuswana fela inge munga ku—ku kulube, ni ku tapisa kulube mi—mi ku ipenta fa manala, inge mo ba ezezanga basali, ni ku lombweka mupende wa fa mulomo wa lipusitiki, ni ku itinisa ndelesi yende. Mu ilukulule kulube ya mina yani iikele, ika kutela mwa sileze, ni ku yo tapwita mwatani hape. Kiñi? ki kulube, ku felile. Kono, mi, kono, mwa ziba, ne mu si ke mwa eza . . .

92 Ngu haikoni kueza cwalo. Haikoni nihaiba kukena mwa sileze sani. Hailati sa kueza ni sona. Ki mikwa ya yona. Mwabona? Mwa kona kuitinisa mwa litino ze swana, kono yona sha haina kueza cwalo, yona haina kuya. Za kwande halina taba; ki za mwahali. Cwale, Mulimu kakuba makalelo a bupilo kaufela . . .

93 Musike mwa palelwa ku utwisisa taba ye. Na lika, ka zeli kuna kaufela, kueza kuli mubone nto yeñwi. Mwabona? Ki za bunde bwa mina, balikani. Ki za mina ka bu—buino bwa mina. Mwabona?

94 Hani si ka taha kwanu fela ku to boniwa. Ha ni si ka taha kwanu, kuli ne kusina sibaka kwa kuya. Ni tile kwanu kakuli Ni i kutwile kubata kutaha kwanu. Ni ikutwa kuli bulumiwa bwa ni file Mulena bu lukela ku boniswa mwahala sicaba kwanu,

mi Ni lika ku mi bonisa ka mwa inezi Mulimu cwale. Yena u mwa Linzwi la Hae le li sepisizwe. Yena kamita ki Linzwi, mi U itibahaza Iliyena ka mikwa ya Na sepisize. Mukwa o muñwi wakona kutaha mwa nako yeñwi, lani ki Linzwi, mi mukwa wa mutu yo ya lukela kutaha u bonahaza kuli yani ki yena mutu.

⁹⁵ Lani kona libaka Jesu ha Nali mwa Na bezi. Ne ba lukela ku bona cwalo. Ki kabakaleo hane bali libofu. Taba yateni. . . Ili, ni ha Na ezize limakazo zeñata hahulu, niteni ne ba sa lumeli, kakuli Isaya naize, “Bana ni meeto kono ha ba boni, ni mazebe kono ha ba utwi.” Mwabona? Lusika lufi kaufela, isiñi lusika lwa Hae fela; kono lusika lufi ni lufi kaufela, kuli, “Mulimu, mwa linako za kale, ka mikwa ye shutana,” niteni ne ba sa li utwisisi.

⁹⁶ Cwale, mikwa ya Hae haipalelwi. Yona kamita ya swana. Cwale, muhupule, mikwa ya Hae, mikwa ya Mulimu, haikoni ku palelwa. Haiba i palelwa, konakuli Mulimu upalezwi. Mi ni Bibeke iize, mwa Maheberu 13:8, kuli, “Jesu Krete ki ya swana maabani, kacenu, ni kuyakuile.” Kabakaleo, Yena ki Mulimu ya sa cinci. Mukwa kaufela wa Nali ka ona kwa simuluhu, U sa li ona mukwa o swana wani. Nzila ifi kaufela ya Na belekile ka yona, nako ifi kaufela Fa kile a ezeza sika, Uka na a si eza ka nzila yeswana nako kaufela. Haiba Ha ezi cwalo, kanti mukwa wa Hae u so cincize, mwabona, mi mikwa ya Hae neika bonaliswa sesiñwi sene si si sa Mulimu. Mwabona? Kacwalo halu koni kuziba hande. . .

⁹⁷ Sina Paulusi hana ize, “Haiba tolombita i lila ka mulumo o sa ketehani, ki mañi ya ka ziba ku itukiseza ndwa, haiba tolombita i lila mulumo o sa ketehani?” Cwale haiba tolombita i lukela kulila kaza “kukuta mwa mulaho,” zeo kona ze lu lukela kueza, kukuta mwa mulaho. Haiba tolombita i lila kuli “amuye kwa pata,” zeo kona ze lu lukela kueza, ki kuya kwa pata. Kono kanti Tolombita ki sikamañi? Ki Linzwi la Mulimu. I zibahaza Mulimu, kamba ki—kamba ki kuli “kamba, ina fafasi, kuta mwa mulaho, tiisa mazoho,” kaufela seo sili sona. Ki Tolombita ya Mulimu.

⁹⁸ Mi ni mulumo o sa ketehani, haiba Bibeke ibulela taba yeñwi ye na ni ku ezahala; yomuñwi uli, “Oh, zeo ki za lizazi lisili, cwalo.” Konakuli kuna ni mulumo o sa ketehani foo. Foo kipeto ha mu zibi sa kueza.

⁹⁹ Jesu naize, “Ni na ni mata a ku lobaza bupilo bwa Ka ni ku bu zusa hape.” Hakuna mulumo o sa ketehani foo.

¹⁰⁰ Musali ali, “Lu ziba kuli Mesia uka taha; mi ha Sa tile, Uka lu bulelela lika sina mwa Na ezelize.”

¹⁰¹ Ki hali, “Kina Yena.” Hakuna mulumo o sa ketehani foo. “Kina Yena.” Uh-huh! Amen.

Mi bali, “Bo kuku aluna ne ba cile manna mwa lihalaupa.”

102 Mi ali, “Ba cwalo, mañi ni mañi wa bona, ba shwile.” Ki hali, “Kono Na kina Sinkwa sa Bupilo se si zwile ku Mulimu mwa Lihalimu.” Hakuna mulumo o sa ketehani. “Kina Kota ya Bupilo, kuzwa mwa simu ya Edeni.” Batili, hakuna mulumo o sa ketehani ka sani. Batili sha. Hakuna mulumo o sa ketehani ka zona. Na kateleha mwa lika kaufela za Na eza.

103 Bibehe ha i fi mulumo o sa ketehani. I zibahaza mikwa ya Mulimu mwa mulumo wa yona.

104 Jesu naize, ku Muñoli Joani 10:37, “Ha Ni sa ezi misebezi Ya Ndate, kuli . . . mi Ha ni sina mikwa Ya Ndate, konakuli mu si ke mwa Ni lumela. Ki yona luli, ye paka mukwa wa Hae ku Na, mikwa ya Hae.”

105 Kakuli, Ndate ki Linzwi, “Kwa simuluhu ne kuna ni Linzwi, mi Linzwi nali ku Mulimu, mi Linzwi neli Mulimu,” mi mikwa ya Mulimu i bonahalanga ka sepišo ya Hae ya lusika lwani.

106 Cwale kambe Na pilile mwa nako ya Mushe, kambe ne li si ka beleka. Mi haiba Mushe na ka pila mwa nako ya Hae, kambe ne li sa ka beleka. Ha Na ka pila mwa nako ya Nuwe, kambe ne li si ka beleka, kamba kambe Nuwe na pilile mwa nako ya Hae. Nuwe na polofita ka lika za lizazi lani, ni mikwa ya hae ni sa na eza ne li mu paka ka Linzwi la Mulimu. Mushe na ezize ze swana.

107 Mi fa Jesu ataha, mi Linzwi le ne li sepišelizwe lusika lwani ne li bonahalile ku Jesu Krete ka mikwa ya Linzwi, ili yena Mulimu. Amen.

108 Ku suluha kwa Moya o Kenile, mwa mazazi a maungulo, fa halimwa sicaba se si sina kabubo, ku bonahalize mikwa ya Mulimu ni sicaba. Na sepišize cwalo. Kona Linzwi. Na bulezi kuli Uka eza cwalo. Hakuna mutu ya kona ku si kutisa mwa mulaho. Na bulezi kuli Uka eza cwalo.

109 Kacwalo ona lika ze kaufela Za sepišize, kona Za ezanga. Li bonahalisa mikwa ya Hae. Eeni, sha. “Musike mwa lumela, musike mwa lumela buipapati bwa Ka, haiba mikwa ya Ka ha ki ya Mulimu.”

110 Cwale mulemuhe mwa Joani 14:12, “Ya lumela ku Na,” Na ize, “una ni zibahazo ya Ka, mikwa ya Ka. Ye lumela ku Na, misebezi ye Ni eza uka i eza ni yena.” Sani si bonisa kuli mikwa ya Krete i ku yena, inze i bonahaza mikwa ya Hae. Amen.

111 Ni ikutwa bulapeli hande cwale, haiba Ni silela linzwi. Eeni, sha. Oh, mawi! Mwabona, hakuna mafosisa ku Zona! Bupilo bwa Hae! “Ya lumela ku Na, misebezi ye Ni eza uka i eza ni yena.” Mwabona, sani si zibahalisa mikwa yateni.

112 Nto yeswana Na ibulezi kuli: “Haiba mukwa wa Ka ha u Ni paki,” Mulimu ku—ku Yena, konakuli Yena . . . musike mwa Mu lumela. Cwale, Na bulezi hape kuli Na ka zibahazwa ku sani.

Konakuli, sani, haiba ha si Mu paki, konakuli Ha yo ka Mwa bulelela.

¹¹³ Mi, kacenu, haiba Kreste ha i ponahazi Iliyena, mikwa ya Kreste i lu bonahaze ka kuba ba Kreste, baba lumela Linzwi. . . Jesu nali Linzwi, konakuli Nana ni ku lumela Linzwi. Mi lukona cwani kubulelela kuli lu ba Kreste, mi ni ku latula Linzwi leliñwi la Bibeke yani? Moya o Kenile wa Kreste ki Mulimu ku mina, mi Ni ka alaba kwa sepiso kaufela ka “Amen.” Bibeke ibulezi kuli, “Lisupo ze li ka latelela baba lumela.” Moya wa Mulimu ubulezi kuli, “Amen.” Mwabona?

¹¹⁴ Omuñwi wa yona ha u buleli kuli, “Batili, sani neli sa lizazi lisili; sani neli sa balutiwa fela.”

¹¹⁵ “Muye mwa lifasi kaufela mi mukutazi Evangeli kwa sibupiwa kaufela. Yena, kai ni kai mwa lifasi kaufela, ya lumela, lisupo ze li ka mu latelela, nto ye swana.” “Ya swana maabani, kacenu, ni kuyakuile,” mikwa isweli ku zibahazwa.

¹¹⁶ Sani si eza Maheberu 1:1, “Mulimu mwa linako za kale, na bulezi ku bo kuku a luna ka bapolofita,” ku zibahaza Kreste, ya zuhile kacenu, ka mikwa yeswana ya Na ezize mwa linako za kale. Kana mu lemuhile? Mulimu ha cincangi nzila ya Hae.

¹¹⁷ Mwa Bibeke ya kale, fani muloli wa tolo ha ka lola tolo, mi ne ba sina mupolofita mwa naha wa kubona haiba tolo ye ki ya niti kamba nee, neba na ni mukwa usili wa ku batisisa ka ona. Ne bangile mukwa wani, kamba ki mañi yana lolile tolo kaufela, ne ba muisa kwa tempele. Siapalo sa fa sifuba sa Aruni, yana li yena muprisita yomutuna, ne si beilwe fa musumo. Mi kipeto muloli yo wa talusa tolo ye. Hakuna taba kamba i utwahala cwani hande, mo i utwahalela ya niti; haina ne ku sina Liseli la buipiteli lene li ka monyeha fa macwe ani, ana bizwa kuli Urimu Tumimu (babali ba Bibeke ba utwisisa); konakuli, Hanina taba kamba i utwahala cwani kuba ya niti, ne i si cwalo. Ku ipitela kwa Mulimu, mikwa ya Mulimu, ne ina ni ku bonahalisa mikwa ya Hae mwa buipiteli, ku bonisa kuli Na itibahaza Iliyena mwa liñusa lani. Amen.

¹¹⁸ Ni bulela nto yeswana busihu boo. Yani Urimu Tumimu ya kale i felile, kono Linzwi isali nto luli ye zibahalisa mikwa ya Mulimu, sepiso ya hola ye lupila ku yona. Kuna ni mikwa ya Mulimu ye zibahala ka sepiso ya hola ye lupila ku yona.

¹¹⁹ Seo si eza Mulimu kuba ya swana sina mwa Na belanga. “Mwa linako za kale,” mutalime, “mwa mikwa ye shutana, Na bulezi ku bo kuku aluna ka bapolofita.” “Mi mulao ni bapolofita ne lili teni kufitela ku Joani; kuzwa fani, Mubuso wa Lihalimu.” Mulemuhe, “Kono mwa lizazi la mafelelezo,” ubulela nto yeswana ya Na ezize kwani, “ka Mwana Hae Kreste Jesu.” “Mulimu, mwa linako za kale, ka mikwa ye shutana, na bulezi ku bo kuku aluna ka bapolofita; mwa lizazi la mafelelezo le,” u eza nto ye swana, “ubulela kwa sicaba (bona bashemi) ka Mwana

Hae Kreste Jesu.” A Mu zusa kwa bafu, mi Wa pila mwahala luna, u nza itibahaza Iliyena ni ku lu bulelela lika za kwapili, kuli Ki yena ya lemuha milelo ni maikuto a mwa pilu. Jesu Kreste wa swana maabani, kacenu, ni kuyakuile! “Mulimu, mwa linako za kale ni ka mikwa ye shutana na bulezi ku bo kuku aluna ka bapolofita, kono mwa mazazi a mafelelezo a ka Jesu Kreste Mwana Hae.” Mañolo ha ko ni ku lyanganiswa. A petahalile.

¹²⁰ Sina ha Ni se ni bulezi kale, Mulimu hatokwi kuli mutu a toloke Linzwi le. Yena wa i tolokelanga Iliyena Linzwi la Hae. Mi Ha bulela sika, sa ezahala, yani kona toloko. Mwabona? Ha tokwi kuli mutu ufi kaufela a bulele kuli, “Kihande, Ni lumela li talusa *cwana*.” Mulimu wa li zibahazanga ka toloko ya Hae Tota.

¹²¹ Kikuli, haiba sepiso ki ya lizazi leo, halu koni kupila mwa liseli la—la—la Luther, halu koni kupila mwa liseli la Wesley, halu koni kupila mwa liseli lifi kaufela hala maseli ani. Luna ni kupila mwa Liseli le li sepesilizwe lizazi le.

¹²² Ku cwani kambe Mushe naile kwa Egepita, ni kubulela kuli, “Kihande, lu ka yaha areka yetuna. Lu ka cimbauka kuzwa mwa naha ye. Nile ika bayula”? Neba na ni kotalima kwa mulaho mwa matapa; kuli ne kusina sepiso ya sani. Yeo ki niti. Kono, mwa bona, na itibahalize ili yena kuba mupolofita wa Mulimu, kakuli sa na bulezi ne si ti lo ezahala, mi se ba ziba kuli nana ni Linzwi la Mulena. Faro nana ni miwayo, kono Mushe nana ni Linzwi. Kacwalo hane ba yo fita kwa liwate, miwayo kaufela ya tiba mwatasa liwate; mi Mushe anga Isilaele kusilela mwa buse bwa liwate, fa mubu o omile, kakuli nana ni Linzwi, mi nali yena Linzwi la hola yani. Mushe nali yena Linzwi le ne li bonahalile la hola yani.

Elia nali yena Linzwi leli bonahalile la hola yani.

¹²³ Kreste ki Linzwi le li bonahalile, ni lisepiso za Na file. “Nako nyana lifasi halina ku Ni bona; kono mina mu ka Ni bona, kakuli Ni kaba ni mina, mane mwahali ku mina, kuisa kwa mafelelezo a lifasi. Misebezi ye Ni eza mu ka ieza ni mina.” Na sepesize lika ze. Ki sikamañi seo? Ki mikwa ya Mulimu ye bonahalisa Linzwi la Hae, sina mwa Na ezelize mwa masika kaufela.

¹²⁴ Malaki 4, U ize, “Kale ku si ka taha lizazi le lituna le li sabisa la Mulena, amubone, Ni mi lumela Elia mupolofita; mi uka kutiseza tumelo ya bana ku kuta kwa bashemi hape, mane lizazi leo li si ka taha kale.” Na sepesize cwalo.

¹²⁵ Jesu naize, mwa kauhanyo ya 17 ya Muñoli Luka kuli, “Sina mo ne kuinezi mwa mazazi a Sodoma, kona mo ku kabelo ni fa kutaha kwa Mwana mutu, foo Mwana mutu ha ka patululwa.” Fo sinulo haika i tatulula ili yona, mwa mazazi a o lifasi ha li ka ba sina Sodoma, ki sikamañi se si ka ba sona? Mikwa ya Mañolo ao ika talelezwa. Mulimu wa uitibahaza Iliyena ka mikwa ya Hae, mikwa Ya bile ka yona kamita. Hakoni ku siya sani.

¹²⁶ Mazazi a maungulo, Na itibahalize ka Mwana Hae. Mulemuhe ka mo Mulimu a ezezanga ze kamita kwa . . . sina Mwa kile a- . . . Yena ha cincangi nzila ya Hae.

¹²⁷ Baana babalalu bene ba ambola ku Abrahamama bani, sina hane lu bulela fela kwani, kwa mazazi a Sodoma.

¹²⁸ Abrahamama neli muuna yana lumela ku Mulimu. Na ngile Mulimu ka sepiso ya Hae. Sarah, musala hae, neli wa myaha ye mashumi a silezi ka ye ketalizoho ya kupepwa, Abrahamama neli wa ye mashumi a supile ka a ketalizoho, fani Mulimu ha mu biza. A bulela kuli ba ka ba ni—ni mwana; Abrahamama na ka ba ni mwana ka Sarah. Ikona ku utwahala bukuba nyana, kono Ni akaleza kuli na ngile tu—tu tubyana totunyinyani kaufela ni tutamiso, ni lika kaufela, ku lukisa, kakuli ne ba kaba ni mbututu yee.

¹²⁹ Kasamulaho wa mazazi apili a mashumi amabeli ka aketalizoho ka zetalu, kiñi, Abrahamama mwendi na to li ku Sarah, “U ikutwa cwani, mulatiwa?”

“Hakuna shutano.”

“Kanya ku Mulimu, lu kaba ni yena, niteñi.”

“Kana uziba cwani?”

“Mulimu ubulezi cwalo.”

Kwa fita silimo. “U ikutwa cwani, mulatiwa?”

“Hakuna shutano.”

“Lu kaba ni yena, niteñi. Mulimu ubulezi cwalo.”

Lilimo ze ketalizoho za fela. “U ikutwa cwani cwale, mulatiwa?”

“Hakuna shutano.”

“Lu kaba ni yena, niteñi. Mulimu ubulezi cwalo.”

¹³⁰ Neli sikamañi sani? Nana ni sepiso ya Mulimu. Na lumezi ku Mulimu, mi na eza sina Mulimu: na kumalezi kwa Linzwi la sepiso. Ne . . .

¹³¹ Lilimo ze mashumi amabeli ka ze ketalizoho za fela. Mainelo a hae na sa fetuhile kueza mubala wa yelo, kono niteñi na sa kumalezi ku zona. Cwale ki kale a supala, mane ni ku obama, mi u mwa buino bo bu sabisa; mi mba ya Sarah ne iswana fela inge ye shwile, mi yena na tokwile kokwani yetisa lupepo. Mi ha ki buino ni boo mo ne ba inzi!

¹³² “U ikutwa cwani, Abrahamama, ndatahe macaba?” balikani ba hae ba silumeli sa sihali-hali ba mu bulelela.

¹³³ “Kihande, kanya ku Mulimu, Ni ikutwa hande. Lu ka ba ni mbututu yani, niteñi.” Kakuli na si ka kakanya sepiso ya Mulimu ka ku sa lumela; kono na tiile, inza lumbeka Mulimu, kakuli na kolwa hande kuli sa na bulezi Mulimu, Mulimu na ka si peta. Amen. Ki yeo mikwa ya mulumeli.

134 Ku cwani ka mina? Mwabona? Ku cwani ka luna, bana ba Abrahama? Kikuli lwa itibahaza ka Linzwi la Mulimu, ka kuba sepiso, mi ni mikwa ya luna ya lu paka, kuli ka niti lwa Li lumela? Kamba, kana lwa kata-kata, kutula kuzwa *fa*, ni *fa*, ni kuwela *fa*, ni ku akaleza, ni kata-kata kafa ni kafa, ka Zona? Konakuli, ha lu Bakreste, lu likanyisa fela ku lumela.

135 Kono, ha lu yemela sepiso yani luli, kuhata hande ni kupila ni Yona! Abrahama na ezize cwalo.

136 Cwale lu fumana kuli, zazi leliñwi a bona baana babalalu inge ba taha, inge ba zamaya. Bibeles ibulezi fa kuli, “Neli ka nako ya musihali tuna,” mwendi ne isutelela mwa musihali cwalo. Baana ba inge ba zamaya mi ba kala ku ambola ku yena. Lu utwisisa kuli bababeli ba bona ba ya kwa Sodoma. Ni lumela kuli ne lu bulezi ka zona nako yeñwi busihu. Alimuñwi wa bona na siyezi ni yena.

137 Mutalime Muuna yo ya na bizize . . . yana siyezi ni yena, sana ezize Muuna yani. Alimuñwi na itibahalize ka mikwa ya Hae, kuli Nali yena Elohim.

138 Elohim, lona linzwi la pili luli mwa Bibeles, “Kwa simuluho Mulimu . . .” Cwale, yomuñwi kaufela wa mina baituti u ziba kuli linzwi leo fo la *Mulimu* litalusa, mwa Siheberu, kuli “Elohim,” ili ku talusa kuli, “ya Mata kaufela, ya kona lika kamukana, ya ipupile ili yena,” ya sa tokwi tuso yezwa ku mutu, ya sa tokwi toloko ya mutu; ya ikezeza za Hae Tota. Yena ki Mulimu ya i konela kaufela, ya fumaneha kai ni kai, ya tala mwa linto kaufela, ya mata kaufela. Ki yena Mulimu.

139 Ki yani Nali fani. Mi Abrahama cwale, yo mapatriareka ya na sweli Linzwi, atalima Mutangana yoo. Mi cwale Mutangana yo ha na to fa mukokoto wa Hae kwa tende, Ki hali, “U kai musala hao, Sarah?”

Ali, “U inzi mwa tende, kwa mulaho wa Hao.”

140 Ali, “Ni ka ku potela kuya ka nako ya bupilo, mi uka ba ni mbututu yene Ni ku sepisize.”

141 Mi Sarah a seha ka zona. Mi Yana ambola ni yena, a mu bulelela sa na bulezi Sarah mwa tende, kwa mulaho wa Hae.

142 Cwale, mwa Genese, mu ka bala sani. Lu fumana cwalo kasamulaho, Abrahama, kasamulaho Muuna yo amano itibahaza Iliyena . . .

143 Neli sikamañi sani? Maheberu, kauhanyo ya 4, timana ya 12, ili, “Linzwi la Mulimu li buhali, kwa mata lifita mukwale o lozizwe kafa ni kafa, li lemuha milelo ni maikuto a mwa pilu.”

144 Na zibile kuli yoo ki yena Muuna yani. Na zibile kuli ne kusina bapolofita mwa naha kwanda yena, mi kabakaleo Linzwi la Mulena la taha ku yena. Mi nali mupolofita, mi fa Linzwi la taha ku mupolofita.

145 Ki taba ye swana ni Joani Mukolobezi. Nekusina mupolofita ka myaha ye mianda yemine. Na hupula . . .

146 Mwendu ki Dokota Davis muuna muhulu yainzi fa, busihu bo, mukutazi wa kale wa kwa Missionary Baptist yana ni kolobelize mwa Tumelo. Na ni kananisanga. Mi ali, “Billy, wena u mwanana fela cwale. Ulukela ku ni utwela.”

Se nili, “Ku lukile, Muzwale Davis, Na teezeza.”

147 Mi ali, “Mwa bona, Joani na si ka kolobezwa. Kacwalo na sweli ku kolobeza, kono yena na si ka kolobezwa; hakuna ya na swanela ku mu kolobeza.” Yani ki tuto yende ya tumelo ya Baptist. “Mi fa kwa taha Jesu, mi ali ku yena . . . Joani ali, ‘Ni lukela ku kolobezwa ki Wena; kiñi So tela ku na?’ Mi ki Hali, ‘Tuhela kuli kube cwalo.’” Mi ali, “Mi cwale ha na ‘Mu lumelelize,’” ali, “wa bona, mi Jesu a kolobeza Joani. Mi cwale Ha zwa mwa mezi, mi lihalimu la kwaluha mi A bona Mulimu mwa sibupeho sa liiba, ha tuluka ku Yena, ali, ‘Yo ki Mwana Ka, Ye Ni katelwa kuina teñi.’” Kono, batili, ka ku sa kananisa Dokota Davis, kono na fosize.

148 Mwabona, Joani nali mupolofita, mi ni Linzwi kamita li tahanga ku mupolofita. Kacwalo haiba Linzwi ne litile mwa nama, Ne lina ni kutaha ku mupolofita, niteñi; kakuli, na sweli ku paka ka Linzwi, mi ona mukwa wa hae luli no mu bonahalize kuba sani. Ki Yo ataha yena Linzwi, cwale ki sikamañi se ne si ezahalile? Ona fani ha na ti lo fita fa pila Jesu, Joani ali, “Ni tokwa ku kolobezwa ki Wena; kiñi So tela ku na?”

149 Jesu ali, “Tuhela kuli kube cwalo, kakuli kwa lu lukela (kwa lu swanela) kuli lu taleleze kuluka kaufela.” Joani ka kuba mupolofita; Yena ka kuba Linzwi. Nali yena Sitabelo, mi Na itukisa kukena mwa bulumiwa bwa Hae bwa nama, mi Sitabelo ne si lukela kutapiswa si si ka talekwa kale. Mi Joani a Mu kolobeza, kakuli na zibile. “Tuhela kuli kube cwalo, kakuli kwa lu lukela kuli lu taleleze kuluka kaufela.” Sitabelo ne si na ni kutapiswa si sika talekwa kale, mi kacwalo Joani a Mu kolobeza. Ne si Jesu ya na kolobelize Joani. Joani na kolobelize Jesu. “Tuhela kuli kube cwalo.”

150 Mulemuhe, ki yo fa Abrahamama, mi nana ni Linzwi la Mulena. Linzwi la Mulena ne litile ku yena. Nali mupolofita. Mi cwale ki ha kutaha Linzwi. A mu biza kuli, “Abrahamama,” isiñi *Abrame*.

151 Mazazi nyana kwa mulaho wa fani, libizo la hae neli *Abrame*—nali *Abrame*, cwale fa sa li Abrahamama. Musala hae neli Sarai, cwale seli “Sarah,” isiñi S-a-r-a-i; S-a-r-a-h. Isiñi (A-b-r-a-h-a-m-a) A-b-r-a-m-e, kono A-b-r-a-h-a-m-a, Abrahamama.

152 Mi Muuna yo a itibahaza Iliyena, fani ha Na ize, “Abrahamama!” Oh, mawi!

Abrahamama ali, “Elohim!”

153 Ki lani Linzwi ni mupolofita fani, hamoho, mikwa yemibeli kaufela ya iponahaza.

154 Elohim, Mi ali, “Ukai musala hao, Sarah?”

155 Ali, “Uinzi mwa tende, kwa mulaho wa Hao.” Mi ni . . . Mi ni makazo ya nga sibaka. Elohim! Abrahama a Mu biza kuli, “ki ya kona linto kamukana, Yamata, Mulimu ya mata.”

156 Jesu ali, fani ha Na li mwa lifasi, Na ezize lika ze swana za na ezize Elohim. Sani ne si bonahalize mikwa ya Hae kuba Mulimu.

157 Mi ki Hali, ku sika ba kale, “Mwa mazazi a mafelelezo, bukafu fela ni kutaha kwa Mwana mutu, fani Ha patululwa, mukwa o cwana uka nga sibaka hape, sina mo ne kuinezi mwa Sodoma.” Elohim mwahala sicaba sa Hae, yena Mulimu Yamata kaufela! Sani kona sa bulela Mañolo. Elohim mwahala sicaba sa hae!

158 Ka myaha ye mashumi amane Ubile a lu kolobeza ka Moya o Kenile, Elohim, Mulimu! Mi ni keleke. . .

159 Mutalime, Abrahama na boni sisupo silisiñwi, pizo yeñwi; neli sisupo, neli pizo; neli pizo, neli sisupo; ya ku libelela mwana wa sepiso yani. Kono sisupo sa mafelelezo sa na boni, ku bonahala kwa mafelelezo, poto ya mafelelezo ya Mulimu fani mwana wa sepiso a si ka fita kale, neli Elohim mwa nama ya butu. Mi kona kutaha mwana wa sepiso.

160 Mi Peu ya Abrahama i libelela Mwana wa sepiso, yena Jesu Krete. Mi ba boni lisupo, ku suluha kwa Moya o Kenile, kubulela ka malimi, foliso ya Bumulimu, ni zeñwi cwalo. Kono cwale Mwana mutu ha ka patululwa, Elohim uka kutela kwa mulaho kona kwa Peu ya silena ya Abrahama ni ku bonisa yona nto ye swana yani ya Na bonisize mwa lizazi lani, amen, Elohim, sina mo ne kuinezi! Kiñi? I kaba mikwa ya Mulimu.

161 Cwale, haiba Krete nali Mulimu, “Mwa nako nyana lifasi halina ku Ni bona; kono mina mu ka Ni bona, kakuli Ni kaba ni mina, mane mwahala mina, kuisa kwa maungulo, ona mafelelezo. Misebezi ye Ni eza mu ka i eza ni mina.”

162 Jesu abulela cwalo mwa—mwa Luka, kauhanyo ya 17. Ku lukile, ha lu lumela ni kubona mazazi a mafelelezo aa, buino bo buna ni ku ezahala hape.

163 Kabakaleo, Maheberu 1:1, “Mulimu, mwa linako za kale ka bapolofita na itibahalize Iliyena, mwa mazazi a mafelelezo a u zibahalize zuho ya Mwana Hae mwa mazazi a mafelelezo aa kuzwa kwa bafu,” ka kuba Keleke ona mikwa ye swana ya Na nani, kueza Maheberu 13:8 kuba ye lukile hande.

164 Hakuna bashemi baba kona ku nopiwa kuzwa mwani. Bani ki bashemi ba limbande. Ba ina banze ba sweli hande, kakuli ki linyunywani za lihalimu. [Hakuna manzwi fa tepu—Mu.] . . . baba cisa lico za limbande.

165 Cwale lu lemuha kuli, “Mwa linako za kale, ka mikwa ye shutana, Na bulezi ku bo kuku a luna ka bapolofita, mwa mazazi a mafelelezo ka Mwana Hae Jesu Kreste, ka ku Mu zusa kwa bafu.” Mi fa U mwahala luna, kasamulaho wa myaha ye eza likiti zepeli, yena Jesu ya swana, isiñi alimumu wa bapolofita; Jesu, haleluya, yena Mwana Mulimu ya zuhile!

166 Jesu naize, zazi leliñwi, Na ize, “Lusika lo lu maswe lwa bubuki lu bata sisupo, mi ba ka fiwa sisupo.” Lusika lo lu maswe lwa bubuki. Ki lili fo lifasi hane lili le li maswe hahulu, kamba la bubuki ni ku lyangana, kufita mo libezi cwale?

167 “Sina mo ne ku inezi mwa mazazi a Jonasi, sina Jonasi mwa na bezi mwa mba ya tapi yetuna ka mazazi a malalu ni masihu, kona mwa kabela ni Mwana mutu mwa liluli la lifasi mazazi amalalu ni masihu.”

168 Mi, “lusika lwa bubuki” ne lu ka amuhela sisupo. Ki sisupo sa mufuta mañi? Ki sisupo sa zuho. Mi luna ni zona kacenu, kasamulaho wa myaha ye likiti zepeli, Yena u sa pila. U teñi mwahala luna, busihu boo, yena ya swana maabani, kacenu, ni kuyakuile, ku itibahaza Iliyena ka mikwa ya Mulimu, inza bonahaza Linzwi mwa lizazi le la Na sepisize kueza. Amen.

169 Ki lani Linzwi. Cwale kana mu ka lumela sisupo nji? kona taba yetatama, mazazi a mafelelezo, zibahazo ya Hae ka Mwana Hae. Mulemuhe.

170 Mulimu na bulezi ku Mushe mwa linako za kale. Mwa Deuteronomoma 18:15, ili, “Mulena Mulimu wa mina uka zusa Mupolofita ya swana ni Na.” Cwale mutalime. Lani kona Linzwi. Lani ki Linzwi. Yani neli Mulimu. Yani ne si Mushe. Kana Mushe na ka ziba cwani zani? Nali mutu. Kono Mulimu, na bulela ka Mushe, hana bulela se. Kana mwa lumela cwalo? Ku lukile.

171 Cwale mulemuhe Jesu, mutalime ka mo mikwa ya Hae—Hae mo ne iboniselize Linzwi la sepišo ya niti le. Kaniti nali ona cwalo. Na bonahalile ka mukwa wa na bulezi Mushe kuli Uka ba cwalo.

172 Buñata bwa bona, sina kacenu, ba bata kubona mueteleli yomuñwi yomutuna. “Oh, yo ki Dokota Ph. *Wakuli-ni-kuli*. U zwa kwa Hartford University.” Kamba, “U zwa kwa sibaka sesituna kokuñwi ona cwalo.” Yani ha ki zibahazo ya Mulimu. Batili, batili. Hakuna sika ka sona. Linzwi kona le li zibahaza Mulimu. Mwabona?

173 Jesu na si munituti wa sikolo, mane Na si nihaiba muprisita, kamba mane nihaiba kuli Abe muluti, kwa lifasi. Na li muyambaeli, kwa lifasi.

174 Kono Mulimu na paka Linzwi la Hae ka Yena, lene li Mu eza kuba Emanuele. Yani neli ponahazo ya Hae. Cwale, fa, Jesu u kopana ni se ona cwalo fela sa na bulezi Mulimu mwa linako za kale kuli Uka li eza, ka Mushe, sa Na ka eza.

175 Cwale mutalime fani ha Na katani Pitrosi, sina hane lu bonisize papali yateni busihu bobuñwi, fani ha Na katani ni Pitrosi mi a bulelela Pitrosi libizo la hae. Sisupo se si bonahalisa buipuleleli bwa Hae bwa Bumesia, ku Pitrosi, kakuli Linzwi ne li bulezi kuli, “Mulena Mulimu wa mina uka zusa Mupolofita.”

176 Mi Pitrosi a taha, ya na li yena Simoni ka nako yani, a taha kwa Na inzi kwani. Mi Jesu a mu talima, ali, “Libizo la hao ki wena Simoni, mi u mwana Jonasi.” Sani ne si bonahализe mikwa ya Kreste kuba Linzwi lani la na sepisize Mushe. Pitrosi na lemuhile kuli sisupo sani ne si bonahalisa Jesu kuba Mesia. “Mulimu nali ku Kreste,” tozo ya mazazi a mafelelezo. Ku Natanaele. . . Muhupule, Na bulelezi Simoni libizo la hae.

177 Cwale, mutalime, ku Natanaele Na bulezi sa na ezize. “No li mwatasa kota ha ne Ni ku bona.” Sani ne si Mu pakile kuba Mesia.

178 Ali, “Ki wena Mwana Mulimu. Ki wena Mulena wa Isilaele.” Na zibahalile ka mikwa ya Linzwi la sepiso la kuli Na lukela kuba Mesia. “Mulena Mulimu wa mina uka zusa Mupolofita.”

179 Musali yomunyinyani fa lisima, A mu bulelela sa nali sona, mi sani ne si Mu paka kuba Mesia ya sepisizwe yo. Mwabona?

180 Mukwa wa hae, mikwa ya Hae, neli Linzwi lene li iponahaza. Neli mikwa ya Hae ku bonisa kuli Linzwi neli Mulimu, kacwalo yani neli Mulimu yana zibahalisa Kreste. Cwale mu tokomele zeo. Mulemuhe.

181 Ku Pitrosi, Na zibahalile ku Pitrosi ka ku biza libizo la hae. Na zibahalile ku Natanaele ka ku mu bulelela sa na ezize. Na zibahalile ka musali, ka ku mu bulelela sa nali sona. Seo nali . . . sa *nali* sona; sa *na* ezize; ni sa *na* li sona musali. Na bonahализe mikwa ya Bumesia bwa Hae, yani ne ilukela kuba yona mikwa ya Mesia.

182 Mutalime musali yomunyinyani yani ha na bulezi nto yeswana. “Muñaka, Ni lemuha kuli U mupolofita. Ha lu si kaba ni mupolofita ka mianda anda ya lilimo. Lubile ni likeleke zeñata, likañi zeñata ni ku kauhana kwa likopano, kono ha lu si kaba fateni ni mupolofita ka mianda ya lilimo. Lu ziba kuli Mesia ha ka taha, se kona se si ka Mu paka.”

183 Ki hali, “Kina Yena, ya bulelela ku wena.” Hakuna sa ku kakanya ka sona, “Kina Yena.” Sani ne si Mu pakile.

184 Musali wa butuku bwa mweeya, na Mu pakile ka Linzwi. Cwani? Ka sa Na ezize fani tumelo ya hae ha ne i Musweli. A fetuha ni kubulelela kuli, “Ki mañi ya Ni sweli?” A ziba kuli sesiñwi si ezahalile. Sani ne si zibahalize Jesu kuba Mesia.

185 Na lumezi cwalo, mi musali ali, “Haiba Ni kona fela kuswala sapalo sa Hae, Ni ka foliswa.”

186 Kona kuli ha na ti lo swala fela, A sikuluha, ali, “Cwale ki mañi ya Ni sweli?” Mi kaufela bona ba hana. Kono mikwa ya Hae ya Bumesia . . .

187 Amen! Na sepa mwa si bona, kopano. Muteeleze, hanze lu kwala.

188 Fani a Mu swala. Neku nani mianda anda, mwendi, bene ba lika ku Mu swala. Pitrosi mane a Mu kalimela, ali, “Kihande, kaufela basweli ba Ku swala.”

189 Mi ali, “Eeni, kono kuna ni ya Ni sweli ka ku shutana.” Yani kona shutano yani, muswalelo wa tumelo wani. Mwabona? Ali, “Kuna ni ya Ni sweli. Neli muswalelo o shutana. Ni fokozi. Mata a zwile ku Na. Mata a zwile ku Na.” Cwale, ki Yani fani.

190 Cwale, mane nahaiba balutiwa ba Hae Tota ne bali, ka manzwi amañwi, “U utwahala—utwahala inge kuli U mutu wa mifilifili. Kiñi, batu, mañi ni mañi wa Ku swala.”

191 Mutalime za Hae, mutalime mubonahalelo wa Hae cwale. Mi a sikuluha, a talimwa mwahala sicaba. A nongana ni yena mwahala nyangela. Na palezwi kuipata ni hanyinyani. A mu bulelela ka buino bwa hae, mi ali, “Tumelo ya hae i mu folisize.”

192 Musali a ziba, ka se, kuli, Maheberu 4:12, “Linzwi la lemuhla milelo, maikuto a yona a mwa pilu.” Mikwa ya Hae ne i Mu pakile kuba “yena Linzwi la Mulimu le li ezizwe nama ni kupila mwahala luna.” Amen.

193 Ni sepa kuli taba yeswana busihu bo ya Mu paka, yena Jesu Kreste ya zuhile mwahala luna busihu boo, yena ya swana maabani, kacenu, ni kuyakuile. Cwale, sina Maheberu 13:8 haili ya niti, mikwa ya Hae ika Mu paka kacenu, sina mo ne ku bezi ka nako yani, ka mukwa o swana.

194 Amu talime Kileopasi ni bona, kasamulaho wa zuho. Jesu na i ponahalize Iliyena ka mwa Na lobezi sinkwa sani, kuli Na ezize ka nzila ya Na ezize ka yona kafo A si ka takiswa kale. Mi se ba . . . Sani ne si bonalisize mikwa ya Hae, kakuli kona mwa Na ezelize.

195 Cwale haiba Na ka ba mo busihu boo, Na ka itibahaza cwani Iliyena? Kuswana fela sina mwa Na ezelize maabani, kakuli Wa swana ni kacenu, mi ukaba cwalo kuyakuile. Ki yona ponahazo. Maheberu 4, fo . . . 14 ni 15, “U cwalo ona fa . . .” Ili, “Ki yena Muprisita wa luna Yomutuna ya kona ku swaliwa ka maikuto a matuku a luna.” Ki yena Muprisita wa luna Yomutuna ona fa cwale. Kasamulaho wa zuho ya Hae, kasamulaho wa lifu la Hae, kasamulaho wa kupumbekwa kwa Hae, kasamulaho wa zuho ya Hae, kasamulaho wa ku kambama kwa Hae, amen, U sa siyala ya swana maabani, kacenu, ni kuyakuile, ali Muprisita Yomutuna ya kona ku swaliwa ka maikuto a matuku a luna. Amen. Yena u cwalo, ona fa cwale, ku muuna kaufela ni musali mo ya ka lumela

cwalo. Ki yena Muprisita wa luna Yomutuna, ya swana, kacenu, ni kuyakuile.

¹⁹⁶ Yena wa pila kamita. Kana mwa lumela cwalo? [Puteho ili, “Amen.”—Mu.] Mikwa ya Hae i zwelapili ku Mu bonahalisa kuba ya swana sina mwa Na inezi ha Na pilile mwa lifasi. U sa pila ni mo, busihu boo, mwa mufuta wa Moya o Kenile. Yena wa pila kamita. Mi ni mikwa ya Hae ya Mu latelela, inge fela mo nenze i ezezanga kamita, haiba U sa pila.

¹⁹⁷ Ni itumezi, busihu boo, kuli, “Mulimu, mwa linako za kale ni mikwa ye shutana na bulezi ku bo kuku aluna ka bapolofita, mwa mazazi a mafelelezo a ki ka Mwana Hae Jesu Kreste.”

¹⁹⁸ Mawi, Ne ni sa zibi kuli Ni bulezi fa nako yetelele cwalo. Ni libezi kuli kona mo i yezi cwalo. Mu ni swalele. Ni ka . . . Na tuhela.

Halu lapeleni.

¹⁹⁹ Ndata luna ya kwa Lihalimu, Mulimu yomutuna ya sishemo! Mulena, Ni—Ni . . . mwendi Ni bulela hahulu. Na lapela, Mulimu, haiba Ni bulezi hahulu, U ni swalele. Kono, Mulena, Hani koni kukupa swalelo ka se Ni bulezi. Ni bulezi fela So bulezi mwa Linzwi la Hao mo.

²⁰⁰ Cwale linzwi fela kamba amabeli a zwa ku Wena, Mulena, mwendi mutu kaufela mo uka bona busihu boo. Batu ba banyinyani, baba kula ba ka foliswa ha ba ka bona kuli U sa li wena Muprisita wa luna Yomutuna. Na lapela, Mulena, mwa mizuzu ye likani yetatama ye, kuli Uka eza Liñusa le kuba lelipila hape mwa buniti. Ku se Ni bulezi ka Linzwi, mi cwale mikwa ya Hao i bonahaze Wena mwahala luna, busihu boo, kuli Wena u ya swana maabani, kacenu, ni kuyakuile, kakuli ki ka Libizo la Jesu ha lu kupa zeo. Amen.

²⁰¹ Fa nako nyana fela cwale. Luna, Ni—Ni liyehile nyana, kono kana mina kaufela mwakona ku itiisa nyana kuli lube ni mukoloko nyana wa litapelo ka mizuzu ye lishumi ka ye ketalizoho, mashumi amabeli cwalo? Haiba mu ka kona, mu nanule mazoho a mina, muli, “Lu . . .” Ku lukile, ni—ni itumezi. Ni mi sepisa ku mi lukulula ka naini seti. Seli nako yani cwale; seli mizuzu ye mashumi amabeli kufitela. Cwale haiba mu ka ni fa fela mwendi mizuzu ye lishumi, Ni ka akufa kapili.

²⁰² Halu boneñi, ki mufuta mañi wa makadi a litapelo a filwe kacenu? [Muzwale uli, “O.”—Mu.] O? Sikamañi, ne lu kalezi kai busihu bobuñwi, wani, wani? [“Ni sepa kuli neli wani.”] Eehe, uh-huh.

²⁰³ Mi cwale ne lu, maabani busihu, ne lu . . . Moya o Kenile . . . Ne ni sweli ku teezeza kacenu, ni kukutela se ne si bulezwi. Babañwi ba ku bona neli mabizo a si French, Ne nili . . . Moya o Kenile; nzila fela ye Ni kona kueza, ki mu libelele fela mi mubone.

204 Mwabona, fokuñwi ha mu bona pono, ina ni ku fetulwa ni ku tolokiwa. Ya tolokiwa. Ki pono, ina hamu—hamu bona—bona ngu, seo si kona ku talusa boya bwa ngu. Mwabona, muna ni kuba hape ni toloko yateni, mwabona, ni ku fetula pono yeo ni ku i toloka.

205 Mi ne Ni lemuhile maabani busihu, Ne—Ne ni palelwa kubulela mabizo a si French ani, Ne ni na ni ku peletela.

206 Mwa Africa ni mwahala bo Mbenezikai bani ni bahedeni, ni lika zeñwi, I banga ku peletela mabizo a bona, kuba bulelela bao bali bona, ku peletela hande mwa mushobo wa bona. Bona, ne ba ka ziba kuli ki sika sa kuli, mu sa feza fela ku peletela. Kono, mwabona, kono Wa ziba mishobo kaufela. Yena ki Mulimu wa Kuyakuile.

207 Halu kaliseñi busihu bo kuzwa fa, lu bulele kuli, sebente faifi, kuisa mwanda, mwa litaku za O. Ki O, kana kona sa bulezi seo? Ni . . . [Muzwale uli, “Eeni. O.”—Mu.] O, O. Eehe. Ku lukile. Ki mañi yana ni kadi ya tapelo ya sebente faifi, halu i boneñi? Mwa O, kadi ya tapelo O, sebente faifi, mu nanule lizoho la mina, kaufela yana ni yona. Ki O. Ku lukile. Taha ona cwalo *kwanu*. Sebente faifi, eite, eite faifi, nainte, nainte faifi, ni mwanda, mutahe neku *le* haiba mu kona. Ku lukile, kiye, mu yeme hande ona kwanu, kapili luli, kakuli haluna kuba ni nako. Ni ka sepa fela kuli mu ka eza.

208 Mutalime fa kadi ya mina ya tapelo. Mutalime fa kadi ya tapelo ya bo mu bapani ni bona. Ha ki. . . Mi haiba mutu yomuñwi ha kulata ki sihole, amu mu shenyise mwa mukoloko wa tapelo. Kuli haiba una ni O, inge fela O, sebente- . . .

209 Sebente faifi kuisa mwanda, muyeme ona neku *le kwanu*, haiba mu kona. Kaufela ko mu inzi, mwa makozwana a fahalimu, kaufela kamba ki kai, mutahe inge mutuluka cwalo, mi mutahe mwa mukoloko kapili fela, haiba mwa kona, ili kubuluka nako.

210 Cwale mina baba siyezi kwanu, baba sina kadi ya tapelo, mu nanule mazoho a mina ni kubulela kuli, “Na hanina kadi ya tapelo, Muzwale Branham, kono Na lumela?” Mu nanule mazoho a mina.

211 Cwale muhupule, Ni ka ambola ku mina ka za Muprisita Yomutuna. “Yena ki Muprisita Yomutuna ya kona ku swaliwa ka maikuto a matuku a luna.” Ki yena *Jehova-Jaire*, “Mulena ya iponela sitabelo.” Ki yea *Jehova-Rafah*, “Mulena ya folisa matuku a mina kaufela.” Kana mwa lumela cwalo? [Puteho ili, “Amen.”—Mu.] Ki yena *Jehova-Manase*. Ki *mukunda*, ki *tebe*, *kozo* ya luna, Yena isali yena. Kihande, ki babakai baba lumela kuli mabizo ao kaufela a ku liulula a Jehova na beilwe ku Jesu? [“Amen.”] Luli, Nana ni kuba cwalo. Haiba Na—haiba Na. . . Kiñi, haba koni ku kauhana, kacwalo Na nani kuba kaufela bona. Mi haiba Yena usali Jehova-Jaire, Ki Jehova-

Rafah. Haiba ki Jehova-Jaire. . . Ki *Jehova-Jaire*, ki “Mulena ya iponezi sitabelo sa puluso,” konakuli ki Yena *Jehova-Rafah* ya “folisa matuku a luna kaufela.” Amen. Foliso ikona fela kutaha ka Mulimu.

²¹² Ku lukile, batu ha banze ba yema mwa mukoloko; Hanina nako ya kubona kuli ki bo mañi ni seo bali sona. Kono cwale, kaufela kwande kafoo baba ziba kuli ha Ni mi zibi, mu nanule lizoho la mina, muli, “Ni tokwa Mulimu. Kono ha mu ni zibi, Muzwale Branham, kono Ni tokwa Mulimu. Ni ka nanula fela lizoho la ka.”

²¹³ Cwale haiba mukona fela kuina fa mizuzu nyana, mutalime, mu tokomele, mu kutumane. Cwale ha Ni talusi kuli, ha Ni bulela kuli, “mu kutumane,” . . . Haiba Mulena u ka eza sika, mu ka bata ku lumbeka Mulena; yeo ki milapelo. Kono se Ni talusa, “mu mate fela mwa mulaho, mu nanuhe,” mwa ziba, leo ha ki likute. Mwabona? Mi Moya o Kenile una ni maswabi, una ni maswabi hahulu. Mwabona? Sika kaufela se si cwalo, wa ni siyanga fela, mi Ni nani fela ku i kataza kuzwa foo, hape, mwabona. Kono haiba mu teezeza!

²¹⁴ Mwa hupula sepiso ya Hae ya pili? “Unge batu kuli ba ku lumele, mi kipeto u sepahale, hakuna se si ka yema fa pila litapelo za hao.” Mwa hupula sani? [Puteho ili, “Amen.”—Mu.] Yeo ki niti. Mi sani ki. . . Hani si ka si bona ha si palelwa fateni, mi ha si na ku palelwa. Ki Mulimu.

²¹⁵ Cwale luka akufa ni mukoloko wa tapelo, kuli lube ni babañata mo lu konela, kuya ka sicaba. Kono mina mu na ni makadi a litapelo mi ha mu sa bizwi busihu boo, mu swale kadi ya mina, lu ka mi biza. Ku lukile.

²¹⁶ Cwale mina kwande ka foo baba sina makadi a litapelo, muhupule. Kamba, mina kwande kafoo, kamba muna ni makadi a litapelo kamba nee, mu lumele fela kuli Yena uswana sina Maheberu kauhanyo ya 4 fa. “Ki yena Muprisita Yomutuna ya kona ku swaliwa ka maikuto a matuku a luna.” Mwabona haiba U siala. . . Mwabona haiba Jehova u ka i ponahaza Iliyena mwahala sicaba sa Hae, sina mwa Na ezelize kwa mazazi a Sodoma. Ku lukile.

²¹⁷ Ku lukile, sha. Cwale ha lu lapeleni, cwale, mube ka likute. Cwale muhupule, Linzwi le li zwelela ku Mulimu ki le liñata kufita mutu kaufela sa kona kubulela. Cwale, muuna yo fa, Hani—Hani mu zibi. Mi Ni sepa kuli ki. . . U muenyi ku na, nji cwani, sha? [Muzwale uli, “Eeni.”—Mu.] U muenyi. Lu ziba nto iliñwi, kuli sibeli sa luna lu lukela kuyema fa Pila Mulimu zazi leliñwi; ka kuba batu, luna ni ku yo kopana Kwani. Ye kona nako ya luna ya pili ha lu kopana.

²¹⁸ Cwale haiba utile kwanu, haiba wa kula, Hani zibi; hakulata ikona kuba nto isili, mwabona. Kono haiba Ni—haiba Ni beya mazoho ku wena, kuli, “Ku lumbwe Mulena! Zamaya, u fole.”

Zeo ki zende. No ka lumela cwalo. Kono ku cwani haiba U ku bulelela se si fosahalile ku wena? Cwale, mwabona, fo kwa shutana, konakuli u ziba kuli sani si bonahalisa mikwa ya Hae. Mwabona, yani haikoni kuba mikwa ya ka. Na ni mutu; Hani koni kuziba sika ka yena. Kona ni sa zo mu bulelela kuli, “Hani ku zibi.” Ni yena ha ni zibi. Kono kanti seo si kona kueza sikamañi? Seo si kona ku zibahaza mikwa ya Jesu Kreste yena ya swana maabani, kacenu, ni kuyakuile. Ka kuziba kuli ha ki na, haikoni kuba na, kakuli Na ha ni muzibi muuna yoo. Ni ka nanula lizoho la ka; ki *le* fa Linzwi. Mwabona? Ha ni mu zibi. Ni yena ha ni zibi. Kono mikwa ya Jesu Kreste . . .

²¹⁹ Kambe Jesu na yema fa, mi muuna yo, ya kula, hana ka bulela kuli, “Mulena Jesu, ni folise,” ki sikamañi sa na ka bulela Jesu ku yena? “Ni ezize kale zeo.” Ki niti yeo kana? [Puteho ili, “Amen.”—Mu.]

²²⁰ “Na titikezwi bumaswe bwa luna; ka muipa ya Hae ne lu folisizwe.” Ku liululwa kaufela ko lukona kuba ni kona ne ku yendekilwe fa Kalvari. Kuzwa fani kuya kwapili, ki tumelo, ku lumela musebezi o felile. Ki niti yeo nji? [Puteho ili, “Amen.”—Mu.] Ku lukile.

²²¹ Cwale, cwale haiba Jesu kambe wa pila, mi Ni bulezi ka za Linzwi la Hae. . . Ki fo he cwale, ku kutela kwa ku ishuwa kwani ni tumelo, ku lumela Linzwi la Hae. Fani ha Na ni katani busihu bwani, Naize kuli, “Uka to fita fa kuli mane uka ziba neba likunutu za lipilu za bona. Habana ku lumela sisupo sa pili sani sa lizoho, ba ka ba ni ku lumela se.” Mwabona? “Haba sa ezi cwalo, konakuli mali akute lifasi.”

²²² Inge fela mo ne ku ezelizwe mwa nako ya Mushe. Ali, “Haba sa lumeli lisupo zepeli zeo, kona kuli u sulele mali fa mubu,” mwabona, “sululela mezi fa mubu, aka fetuha mali.”

²²³ Cwale ka ku batisisa fela, hane Ni ka bona fela seo butata bwa hao buli sona, seo ne si ka likana ni ku eza kuli u lumele, nji cwani? [Muzwale uli, “Luli.”—Mu.] U ziba kuli ne ikaba mikwa ya Mutu yo Ni bulela ka yena, Jesu Kreste.

²²⁴ Muuna yo, sina ha Ni mu talimile, u kuta mwa mulaho. U apesizwe ki muluti. Hakuna sika kamba mulyani o kona kutusa muuna yo. U inzi mwa buino bwa kushwa. Yeo ki niti. Na bile ni ku pazuliwa, mi ku pazuliwa neli bakeñisa sinya. Mi ki kansa, mi kansa yeo i kwanile ku wena kaufela. Haiba yeo ki niti, nanula lizoho la hao. Konji Mulimu fela ki yena ya kona ku mu folisa. [Muzwale ubulela kuli, “Haleluya! Haleluya! Haleluya!”—Mu.] Kono, talima, Ni bata ku bulela nto yemu ku mina, sha. Diabulosi yani hakulata na ipatile kwa tipa ya dokota, kono hakoni kuipata ku Mulimu. Kana u lumela cwalo? Kana wa lumela? [“Oh! Oh!”] Konakuli Ni lapela, kuli, ka Libizo la Jesu Kreste, taba yeo i mu siye, mi muuna yo hapile. Hakuna; ubile fela ya fokola. Ku lukile.

225 Wena ni Na lu baeñi ku yomuñwi ni yomuñwi, ki muuna ni musali baba kopana. Cwale, kakuba muuna, Ha ni ku zibi. Mi mwendi, kakuba musali, ha u ni zibi; mane ha u si ka bona kale fateni libizo la ka, kamba siswaniso, kamba nto yeñwi ye cwalo. Kono ha lu zibani yomuñwi ni yomuñwi. Yani kona mikwa ya luna. Ha lu zibani ka mikwa ya luna. Kono mikwa ya Kreste, Yena ki Linzwi, mi Linzwi li sepisizwe mwa lizazi le. U ni utwile ha ni bulela ka zona. Mi cwale mikwa ya Hae neika Mu zibahalisa fa. Ha ki na ya Mu paka. Ha ni mi zibi. Mwa utwisisa. Zaluna—zaluna kopano ya luna ya utwisisa cwalo nji? [Kopano ili, “Amen.”—Mu.] Mwabona? Ni—Ni mutu. Na ni muzwale wa hao fela.

226 Inge musali fa lisima, kubulela se si fosahalile, kuna ni se si fosahalile ku wena, kamba so bata, kamba so tezi kwanu. Mutuhele kuli Mulimu abe muatuli wa seo. U kula butuku bwa kutokwa mali. Yeo ki niti, nji cwani? [Kezeli uli, “Eeni.”—Mu.]

227 Na—Na nonganga fateni fani ka kutundamena, mutu ukona ku nahana kuli Ni nuhile fela. Hani koni ku nuha ze cwalo. Batili. Hañwi mwa nako, Ni ikutwanga cwalo, yomuñwi. Hamu koni kupata minahano ya mina cwale. Cwale kuna ni mwendi, Na ziba, baba sweli ku hanyeza bababeli babali teni mo. Mwabona? Ki fohe cwale muhupule kuli Na kona ku mi punda ka mabizo a mina, ni mina, Mulimu wa kona, cwale mutuhele ku nahana cwalo. Mutuhele ni mi bonise.

228 Talima kwanu, kalibe. U ni talime. Ha ni zibi Sa ku bulelezi, kono Na—Na ziba Sa li sona. Mi yani kona mikwa ya Hae ye zibahalile. Eeni, ki buino bwa kutokwa mali, ki mali, mezi.

229 Cwale, kwanu, ki se fa sesiñwi. U bone haiba ba nahana kuli kwa ki ku nuha. Una ni mwana yo sweli ku lapelela, ya liteni mo. [Kezeli uli, “Eeni.”—Mu.] Yeo ki niti. Una ni, ki fa mumizo wa hae, [“Eehe.”], makilihani, litombo zetiseza linzwi ku utwahalela mwa lingo. U libelezi ku yo pazuliwa. Nji ha ki cwalo? [“Eeni.”] Nga taulo yeo zamaya u yo mu apesa, mi u lumele. [“Eeni.”] Usike wa kakanya. Halina ku tokwa ku yo pazuliwa. Cwale lumela ka pilu ya hao kaufela.

230 U ikutwa cwani? Taba yateni ki kuli, ka musali yo kwanu, una ni sabo ya nto yeñwi. U saba kuli sibali sa kupepwa ni sona ke si fetuha kuba kansa. Uh-huh, uh-huh. Cwale zamaya, unzo lumela, mi hakuna kuba ka nzila yeo. Zamaya fela, u lumele ka pilu ya hao kaufela. Mikwa, ha ki yaka; ki ya Hae!

231 Kana mwa lumela cwale? [Puteho ili, “Amen.”—Mu.] Sani si lukela kueza kuli mutu kaufela a lumele. [“Amen!”]

232 Cwale, Ha ni ku zibi. Na ni muenyi ku wena. Mulimu wa ku ziba. Kana wa lumela cwalo. . . ? U ziba kuli ha Ni ku zibi, mu u ziba kuli ni wena ha u ni zibi, kacwalo wa lumela kuli Moya sweli kubulela haukoni kuba moya wa ka? Kakuli, na, kakuba mutu, Ha ni ku zibi. Kono mikwa ya Linzwi le li sepisizwe kona Linzwi

le li buhali kufita mukwale o lozizwe kafa ni kafa, ni kulemuha mihupulo ni maikuto a mwa pilu.

233 Wena u kulile luli. No nani butata bwa sisali, mi neli zwalo, mi zwalo yeo neina ni kansa. Mi noilo nga likalafo cwalo, neli kalafo ya ku monyehiwa kwa sipatela, kono zene tilo ezahala fela neli ku to ihasanya mwahala hao kaufela. Mi uka—uka shwa haiba Mulimu ha ku folisi. Yeo ki niti. Kana wa lumela cwale kuli Uka ku folisa? [Kezeli uli, “Eeni.”—Mu.] Mi cwale Mulimu wa Lihalimu a omanyane diabulosi yana i patile ku dokota. [“Oh!”] Na konile ku i pata kwa lumonyi lwa sipatela lwani, kono isiñi kwa Moya o Kenile. Zamaya, u Mu lumele, cwale, kezeli. Usike wa kakanya ni hanyinyani, kono u lumele.

234 Kana wa lumela kuli Mulimu wakona ku folisa butuku bwa ku fipelwa, ni kuku folisa? [Muzwale uli, “Eeni.”—Mu.] Wa lumela cwalo? Konakuli zamaya mwa musipili, u nzo nyakalala, uli, “Ni Itumezi, Mulena. Ni lumela kuli ku fipelwa kwa ka ku felile.”

235 U ikutwa cwani? U ikalezwi. U bile ya ikalezwi fa nako yetelele. Mwahali mo, li ku tiselize litombo ze butuku kutaha mwa mba ya hao, ze ku ezanga kuba—kuba ni butata mwa mba ya hao. Mi u bata. . . U bata ku yo ca mulalelo wa hao nji? Kana uka eza se Ni ku bulelela kueza nji? Zamaya, uce, ka Libizo la Mulena Jesu.

236 Kana wa lumela ka pilu ya hao kaufela? [Kezeli uli, “Na lumela.”—Mu.] U kalibe ya tiile hande yomunde, u bonahala cwalo. Kana wa ni lumela kuli ni mutanga Hae? [“Amen.”] Kana wa lumela kuli mikwa ya Hae ya kona kuba mo, kuto. . . Linzwi, Kasibili, ni sepiso ya lizazi le, “Misebezi ye Ni eza mu ka ieza ni mina?” [“Amen.”] Hani koni ku folisa. Yena u ezize kale zeo; kono mikwa ya Hae i bonisa Yena, ya kona kubulelela se si fosahalile ku wena. Una ni butata bwa bu kalibe, butata bwa sisali. [“Eeni, sha.”] Kana wa lumela kuli Mulimu wa ku folisa cwale? [“Eeni. Amen.”] Zamaya mwa musipili wa hao, li si ke za kubilaeza ni kamuta. U lumele ka pilu ya hao kaufela.

237 Kana wa ni lumela kuba mutanga Hae? [Kezeli uli, “Eeni, sha.”—Mu.] Haiba Mulimu uka ni bulelela butata bwa hao, kikuli uka lumela kuli ki mikwa ya Jesu Kreste? Ki mwa mukokoto wa hao. Ha kusana zeo ni hanyinyani. Zamaya, u lumele ka pilu ya hao kaufela. Lumela.

238 Taha, kalibe. Hape una ni butata bwa mwa mba. U lumele ka pilu ya hao kaufela, mi u yo icela mulalelo wa hao. U libale ka zona. Jesu Kreste wa ku folisa.

239 Taha. Butata bwa hao ki mali a hao. Una ni shuka. Kana wa lumela kuli Mulimu uka kueza hande mane a ku folise ku zeo? Ikele mwa musipili wa hao, mi uli, “Ni Itumezi, Mulena Jesu,” wa ku folisa. Zamaya, u lumele ka pilu ya hao kaufela.

240 Taha. Mukokoto wa hao, kana wa lumela kuli Mulimu uka folisa mukokoto wo ni kuku eza hande? Ikele mwa musipili wa hao, mi u nyakalale, mi uli, “Ni Itumezi, Mulena Jesu.”

241 Ni wena hape nona ni sesiñwi sene si fosahalile ka mukokoto wa hao. Zwelapili fela ku zamaya, uli, “Ni Itumezi, Mulena. Ni folile.” U lumele ka pilu ya hao kaufela.

242 Ni wena nona ni butata bwa mukokoto. U ziba sikamañi sa seo? U lumele ka pilu ya hao kaufela cwale, mu ikele mwa musipili wa hao u foliswe. U lumele kuli Jesu Kreste wa ku folisa. “Haiba ukona fela ku lumela, lika kaufela za konahala.” Ku lukile.

243 Ku cwani kambe Ne ni si ka bulela sika ku wena, ne ni ka fita fela ni kubeya mazoho ku yena, mu lumela kuli na ka foliswa? Ba bona se si fosahalile. Kana mwa lumela kuli na ka ba cwalo? Taha kwanu. Na kalimela diabulosi yoo, ka Libizo la Jesu Kreste. Mi cwale mata a Mulimu a folise mwana yo. Amen. Usike wa kakanya, usike wa kakanya ni hanyinyani, mi uka ba hande. U lumele ka pilu ya hao kaufela.

244 Haiba Mulimu ha ku folisi, ukaba fa milamu zazi leliñwi, bakeñisa kuopa mwa lingongo. Kono kana u lumela kuli Mulimu wa folisa kuopa mwa lingongo kwa hao? Konakuli zamaya, uli, “Ni Itumezi, Mulena. Na Ku lumela, mi Wa ni folisa.” Ku lukile.

245 Taha cwale. Luli ki silimo sa hao. U ikalezwi. U banga ya ikalezwi hahulu, mwa linako za manzibwana. Ha ubeleka ni kuezwa lika kaufela, wa ikalelwa luli. Wa lumela cwale? Ha lisana ku ku kataza hape ni kamuta. Ikele mwa musipili wa hao uli, “Ni Itumezi, Mulena Jesu.”

246 Taha, muñaka. Kana u lumela kuli Mulimu wa folisa butata bwa hao? [Muzwale uli, “Eeni.”—Mu.] A folise pilu ya hao? Zwelapili fela ku zamaya, uli, “Ni Itumezi, Mulena. Ni lumela ka pilu yaka kaufela.”

247 Mulimu wa folisa TB, ni ku eza kuli ube hande, ni wena. Kana wa lumela cwalo, muñaka, ka pilu ya hao kaufela? [Muzwale uli, “Na lumela cwalo.”—Mu.] Ku lukile. Ikele mwa musipili wa hao unzo nyakalala, uli, “Ni Itumezi, Mulena Jesu.”

248 Ku cwani he ku mina kwande kafoo, kana mwa lumela? Ku cwani he kwa sicaba? Babañwi ba ku mina mwa sicaba mo mwa lumela.

249 Yena muuna yainzi fa yoo, ni butuku bwa ku fipelwa ku palelwa kubuyela hande, kana wa lumela kuli Mulimu uka folisa butata bwa ku fipelwa? Ku lukile, wa kona kuba ni so kupile, kanti. Amen.

250 Butuku bwa kutokwa mali, ya inezi kwa mulaho wa hae kwani. Kana u lumela kuli Mulimu uka folisa kutokwa mali kwa hao? Ni mi siile, sha. Ha ni mu zibi, nali kuba ni mubone mwa bipilo bwa ka.


²⁵¹ Muli, sha, kana wa lumela kuli ku hohana koo mwa mata a mina, kikuli wa lumela kuli Mulimu uka ku folisa? Wa lumela? Nanula lizoho la hao haiba u lumela. Ku lukile.

²⁵² Musala hao uinezi fani, u katazwa ki butata bwa libelenge. Wa lumela kuli la ku si ya, ni wena, kezeli?

²⁵³ Kalibe ya inezi kwa mulaho wa luna kwani, ukatazwa ki kutakana. Kana u lumela kuli Mulimu uka folisa kutakana kwa hao, kalibe?

²⁵⁴ Ki yo fa kalibe ni koti yenyinyani, ya apezi koti ye fubelu, fa. U inezi fani. Una ni butata bwa libelenge, ni yena. Kana u lumela kuli Mulimu uka folisa butata bwa libelenge? Nanula lizoho la hao, haiba u lumela cwalo.

²⁵⁵ Mutu kaufela mwahali mo ya lumela kuli mikwa ya Jesu Kreste iteni mwahala luna, busihu boo, mu nanule mazoho a mina, muli, “Na lumela cwalo.” [Puteho ya nyakalala ni kubulela kuli, “Na lumela cwalo!”—Mu.]

²⁵⁶ Kaufela babali mo, mu Mu amuhele kakuba mufolisi wa mina, mu yeme cwale, mi muli, “Na lumela cwalo.” Amu nanuhe. Amu yeme, muzwe mwa lipula za mina, kamba ki sikamañi kaufela. Jesu Kreste wa swana maabani, kacenu, ni kuyakuile. Na mi fa yona, ka Libizo la Mulena Mulimu. 

MULIMU UITIBAHAZA ILIYENA KA MIKWA YA HAE LOZ64-0320
(God Identifying Himself By His Characteristics)

Liñusa le ka Muzwale William Marrion Branham ne li kutalizwe lwa pili mwa Sikuwa la Bufaifi manzibwana, Liatamanyi 20, 1964, ili fa Denham Springs High School mwa Denham Springs, Louisiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi ne i hatizizwe ni kuhasanyiwa ki ba Voice Of God Recordings.

LOZI

©2018 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitisiswe ki mutu kamba kuli ifiwe ku yomnwi, mahala feela, kakuba siituiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org